

A. A. 2025/2026

BANT UNIC PAI BENEFICIS REGJONÂI

Il proget al è cofinanziât, inte suaze dal PNRR, de Union Europeane, iniziative Next Generation EU, invistiment 1.7 "Borsis di studi pal acès ae universitàt" de Mission 4 Componente 1 e intal ambit dal PR FSE+ Regjon Friûl-Vignesie Julie 2021-2027, prioritât 4 – Zovins.

CALENDARI DES SCJADINCIS

Par domandâ i beneficis, i students a àn di compilâ la domande online, che e sarâ a disposizion in maniere indicative dai 15 di Lui dal 2025 indenant, tal sît www.ardis.fvg.it, e po mandâle **dentri des 13.00 (ore estive taliane/GMT+2/UTC+2/CEST) de zornade di scjadince segnade inte tabelle**, daûr des modalitâts dal art. 6.

Il sisteme eletronic dai servizis online de ARDiS al certifiche la date e la ore precise de spedizion de domande online.

I tiermins di presentazion de domande online a son **perentoris**, duncje compilâle in date seguitive **e puarte ae escluson de domande**.

Benefici	Tiermin par compilâ la domande online	Publicazion de graduatorie provisorie (date indicative)
Agnis seguitîfs	martars ai 29 di Lui dal 2025	vinars ai 8 di Avost dal 2025
Lozament	Matriculis	martars ai 16 di Setembar dal 2025
	Students dome cul recuisît de iscrizion (dome sede di Glemone)	vinars ai 26 di Setembar dal 2025
Borse di studi	joibe ai 18 di Setembar dal 2025	vinars ai 31 di Otubar dal 2025
Contribûts pal lozament sostitutîf (se no son lozaments disponibii)	martars ai 21 di Otubar dal 2025	joibe ai 12 di Març dal 2026
Contribûts pal lozament sostitutîf (sedis di Puart, Bolzan, Conean e Verone)	martars ai 21 di Otubar dal 2025	vinars ai 27 di Fevrâr dal 2026
Contribûts pe mobilitât internazionâl	ai 6 di Avrîl dal 2026	ai 18 di Mai dal 2026

**Comunicazion dai dâts dal contrat a
paiament
par vê la prime rate de borse di studi tant
che fûr di sede**

martars ai 21 di Otubar dal 2025

-

**Domande online di riduzion des tassis
universitariis
(dome sede di Udin)**

lunis ai 6 di Otubar dal 2025

-

Somari

					
..... 1					
A. A. 2025/2026 1					
BANT UNIC PAI BENEFICIS REGJONÂI 1					
Articul 1 - Beneficis a concors 4					
Articul 2 – Destinatariis dai beneficis 4					
Articul 3 - Durade di amissibilitât ai beneficis 5					
Articul 4 - Recuisîts pe amission ai beneficis 6					
Articul 5 - Students cun disabilitât (su la fonde dal articul 3 de leç dai 5 di Fevrâr dal 1992, n. 104 o cuntune invaliditât a pâr o superiôr al 66%) 11					
Articul 6 - Modalitâts di presentazion de domande 13					
Articul 7 - procedure pe formazion des graduatoriis 15					
Articul 8 - Pubblicazion des graduatoriis 16					
Articul 9 – Istancis di riesam 16					
Articul 10 - Acertaments su lis cundizions di merit e economicis e sanzions 16					
Articul 11 - Decjadence e escluson dai beneficis 17					
Articul 12 - Informative sul tratament dai dâts personai daûr dal D.L.gs. 196/2003 (Codiç in materie di protezion dai dâts personai) e dai artt. 13 e 14 dal Regolament UE 679/2016 (General Data Protection Regulation) 17					
Articul 13 - Normative di riferiment 18					
Articul 14 - Fonts destinâts ae concession di borsis di studi 20					
Articul 15 – Tiermin e modalitâts di presentazion de domande 21					
Articul 16 - Status dai students: in sede, pendolâr e fûr di sede 21					
Articul 17 - Impuarts 23					
Articul 18 - Esenzion des tassis universitariis 25					
Articul 19 - Tasse regjonâl pal drit al studi universitari 25					
Articul 20 - Risiervis di assegnazion 25					
Articul 21 – Students iscrits ae Scuele Superiôr di Udin o al Collegio Fonda 26					
Articul 22 – Graduatoriis 26					
Articul 23 - Paiament 26					
Articul 24 – Limit di cumul 29					
Articul 25 - Revoche 29					
Articul 26 - Students cun disabilitât (su la fonde dal articul 3 de leç dai 5 di Fevrâr dal 1992, n. 104, o cun invaliditât pari o superiôr al 66%) 30					
Articul 27 - Lozaments a concors 33					
Articul 28 - Recuisîts specifics 36					
Articul 29 - Modalitâts di assegnazion 36					
Articul 30 – Datis indicativis di amission pai students cui recuisîts di redit e merit 37					
Articul 31 – Graduatoriis 37					
Articul 32 – Amissions 39					

Articul 33 - Rinunziis	40
Articul 34 - Sieradure des Cjasis dal Student	41
Articul 35 - Cauzion	41
Articul 36 - Retis pal lozament.....	41
Articul 37 - Revoche e decjadince dal lozament	42
Articul 38 - Students cun recuisît di sole iscrizion.....	42
39 - Modalitâts di paiament de cauzion e de rete pal lozament	43
Articul 40 - Contribûts a concors.....	45
Articul 41 – Graduatoriis.....	45
Articul 42 - Paiament.....	45
Articul 43 - Revoche	46
.....	47
Articul 44 – Tiermin e modalitâts di presentazion de domande	47
Articul 45 - Contribûts a concors.....	47
Articul 46 - Recuisîts specifics	47
Articul 47 – Graduatoriis.....	48
Articul 48 – Paiament.....	48
Articul 49 - Revoche	48
.....	50
Articul 50 – Tiermin e modalitâts di presentazion de domande	50
Articul 51 - Contribûts a concors.....	50
Articul 52 - Recuisîts specifics	50
Articul 53 – Graduatoriis.....	51
Articul 54 – Paiaments.....	51
Articul 55 - Revoche	52
MATERIÂI IN ZONTE:.....	53
Articul 1 - Status dai students: in sede, pendolârs e fûr di sede.....	53
Zonte 2 - Decret Ministeriâl n. 166 dai 03 di Març dal 2025 Definizion de liste dai Paîs une vore puars pal an academic 2025/2026.....	55
Contats - Sede di Triest.....	56
Contats - Sede di Udin.....	56

Articul 1 - Beneficis a concors

La Agjenzie regionâl e met a concors chescj beneficis:

- Borsis di studi;
- Lozaments;
- Contribûts pal lozament sostitutîfs;
- Contribûts pal lozament sostitutîfs pes sedis di Puart, Bolzan, Conean e Verone;
- Contribûts pe mobilitât internazionâl.

Articul 2 – Destinataris dai beneficis

A son destinataris dai beneficis:

- **Students de Universitât** dai Studis di Triest e de Universitât dal Friûl iscrits pal a.a. 2025/2026 a cors di:
 - lauree trienâl,
 - lauree magjistrâl,
 - lauree magjistrâl a cicli unic,
 - specializazion, fûr che chei de aree mediche ativâts su la fonde de normative in vore in materie,
 - dottorât di ricercje, che no gjoldin de borse di studi su la fonde dal DM dai 30 di Avrîl dal 1999, n. 224;
- **students des Universitâts** dai Studis di Triest e di chê dal Friûl, nomenâts tal DM dai 30 di Mai dal 2025, n. 418, iscrits pal a.a. 2025/2026;
 - al semestri "filtri" dai cors di lauree magjistrâl a cicli unic che a apartegnin a une des classis LM-41, LM-42, LM-46;
 - al semestri "filtri" dai cors di lauree magjistrâl a cicli unic che a apartegnin a une des classis LM-41, LM-42, LM-46 o al secont semestri dai "cors afins";

Pai students iscrits ae Universitât di Triest e a chê dal Friûl pal secont semestri, che a provegnin di ateneus fûr region dulà che a àn frecuentât il semestri filtri, al sarà publicât un avîs di pueste pe assegnazion di borsis di studi, puescj di lozament e eventuâl contribût pal lozament sostitutîf, in mût indicatîf dentri dal mê di Zenâr dal 2026 e in ogni câs dopo de publicazion de graduatorie di merit nazionâl nomenade tal art. 7 dal DM dai 30 di Mai dal 2025, n. 418.

- **students dai Conservatoris** di Musiche "G. Tartini" di Triest e "J. Tomadini" di Udin iscrits pal a.a. 2025/2026 a:
 - cors dal Trieni superiôr di I nivel,
 - cors dal Bieni specialistic di II nivel;
- students iscrits pal a.a. 2025/2026 al diplome academic di prin e di secont nivel in "Graphic Design pe imprese" e al diplome di prin nivel in "Piture" e "Architettura di internis e design" de **Accademie di Bielis Arts** "G.B. Tiepolo" di Udin;
- students iscrits pal a.a. 2025/2026 a agns seguitîfs al prin dai cors ITS Academy, cun riferiment **dome al benefici dal lozament**;
- **i students che a son daûr laureâsi** iscrits al ultin an di cors regolâr intal a.a. 2024/2025 che a otegnin il titul di studi dentri des sessions dal stes an academic, dopo dai 18 di Setembar dal 2025.

No puedin acedi ai beneficis metûts in concors i students iscrits a cors singui, a percors par acedi ai concors pal insegnament, a cors di perfezionament, a cors di specializazion pe ativât di supuart didatic ai students cun disabilitâts e a masters.

Articol 3 - Durade di amissibilitât ai beneficis

I beneficis metûts a concurs a vegnin concedûts pal **otigniment pe prime volte dal titul par ognidun dai nivei di laurea** e, cun riferiment ai ITS Academy, **dal titul par ogni nivel di diplome**. Duncje no puedin acedi ai beneficis i students che a àn za otignût un titul di studi, in Italie o tal forest, di nivel compagn o superiôr. Il nivel dal titul di studi al ven determinât des Universitâts, dai Conservatoris, de Academie di Bielis Arts e dai ITS Academy.

La anzianitât universitarie e ven calcolade tacant dal an di prime imatricolazion tal sisteme universitari, cence tignî cont di cualsisedi passaç di cors, fûr che pai students cun disabilitât, definîts intal articol 5 di chest bant, che par lôr al è pussibil rinunziâ ai studis massim par trê voltis.

Il status di "matricule" nol pues jessi ricognossût ai students iscrits al prin an, tal an academic 2025/2026, che a vedin rinunziât ai studis in agns diferents dal prin tes carieris precedentis o che a vedin domandât il ricognossiment di credits.

La anzianitât universitarie e ven calcolade a partî dal an de prime imatricolazion al sisteme universitari ançe tal câs di iscrizion a cors di laurea dal ordenament gnûf par students che a àn za un diplome trienâl dal ordenament vieri (prime de riforme dal 1999).

La anzianitât universitarie e ven anulade, par une sole volte, tal câs di rinunzie irevocabile ai studis fate tal prin an, cence il ricognossiment di esams (credits universitaris) che a derivin de cariere precedente.

Tal câs che la imatricolazion e vegni rinovade par vie di une uniche rinunzie fate tal prin an, cence il ricognossiment di credits, il student al ven calcolât une altre volte tant che iscrit al prin an regolâr.

Tal câs di **trasferiment** di une altre Universitât, di domande di **ricognossiment dai credits** o di iscrizion cun **scurtadure de cariere**, la anzianitât universitarie e ven calcolade tacant dal an di prime imatricolazion te Universitât o intal Ent corrispondent di divignince.

Tal câs di iscrizion al cors di laurea magjistrâl a cicli unic in Jurisprudence cun scurtadure di cariere, parcè che si à il titul di laurea trienâl in "Comunicazion interlinguistiche aplicade aes professions juridichis" e in "Dirit pes impresis e lis istituzions", de anzianitât universitarie al ven difalcât un an.

Tal câs di iscrizion a **cors a acès programât dopo di un passaç di cors**, rinunzie o trasferiment di un altri ateneu, fats ae fin dal prin an di cors, chest an nol ven calcolât tal cont de anzianitât.

Tal câs di ricognossiment de bande de Universitât di credits formatîfs che a derivin de cariere precedente tai ITS Academy, la anzianitât universitarie e ven calcolade a partî dal prin an di iscrizion ai ITS Academy.

Pal cont de anzianitât universitarie si sumin i agns di iscrizion ai masters se par chei al è stât domandât il ricognossiment di credits.

A son escludûts dal cont de anzianitât universitarie i agns di iscrizion a cors singui che par chescj **nol** sedi stât domandât il ricognossiment dai credits otignûts, o ben, che i credits otignûts midiant di chescj cors no sedin stâts declarâts te domande online par otignî il recuisît di merit, in plui che i agns di interuzion universitarie come specificâts tal articol 9, comis 4 e 5, dal decret legjislatîf 68/2012.

Tal câs di decjadence, dopo vê fat lis verifichis cul Ateneu competent, i agns di iscrizion efetive a vegnin computâts istès tal calcul de anzianitât universitarie. La decjadence dopo dome un an di iscrizion, cence ricognossiment di credits, no à pês sul calcul de anzianitât universitarie.

3.1 Students iscrits a cors di studi de Universitât, dal Conservatori e de Academie di Bielis Arts

I students a puedin acedi ai beneficis **fin al prin an fûr cors (semestri in plui)**, tes manieris indicadis chi sot:

Lauree trienâl Trieni superiôr di I nivel dal Conservatori/Academie	I beneficis si assegnin par siet semestris partint dal an di prime imatricolazion, vot semestris pal servizi di lozament .
---	--

Lauree magjistrâl Bieni specialistic di II nivel dal Conservatori	I beneficis si assegnin par cinc semestris partint dal an di prime imatricolazion al cors di lauree magjistrâl, sîs semestris pal servizi di lozament .
Lauree magjistrâl a cicli unic	I beneficis a vegnin rapuartâts a un periodi che al ten con de durade normâl dal cors di studi plui un semestri partint dal an di prime imatricolazion, plui doi semestris pal servizi di lozament .

L'impuart de borse di studi pai laureants e pai students iscrits al prin an fûr cors al è smiezât.

3.1.1 Students laureants ae trienâl che si iscrivin al prin an di un cors di lauree magjistrâl

I students che si laurein a un cors di studi trienâl dentri de ultime session di lauree dal a.a. 2024/2025 e che si iscrivin al prin an di un cors di lauree magjistrâl pal a.a. 2025/2026 dentri dai tiermins fissâts des Universitâts e dai Conservatoris, **a scuegnin compilâ la domande pai beneficis tant che matriculis de magjistrâl**.

3.1.2 Students laureants che no rivin a otignî il titul o che dut câs no si iscrivin al prin an di lauree magjistrâl

I students che a àn presentade la domande, declarant la intenzion di laureâsi dentri di une session dal a.a. 2024/2025, e che no rivin a otignî il titul o che, se a àn presentade la domande tant che iscrits al prin an di lauree magjistrâl, no si iscrivin a chest cors, a àn di comunicâlu cun prontece e in ogni câs dentri dai 30 di Avrîl dal 2026 inviant une email a: info.trieste@ardis.fvg.it o info.udine@ardis.fvg.it
In chest câs a mantignaran il benefici dome se a àn ducj i recursîts di iscrizion e di merit previodûts pal a.a. 2025/2026 pai students iscrits a agns seguitîfs.

3.2 Students iscrits a cors di specializazion e di dottorât di ricercje

I students iscrits a cors di specializazion, fûr che chei de aree mediche ativâts su la fonde de normative in vore in materie, e ai cors di dottorât di ricercje, che no ricevin la borse di studi daûr dal DM dai 30 di Avrîl dal 1999, n. 224 , a puedin acedi ai beneficis par une **dade di timp ecuivalente ae durade previodude dai rispetîfs ordenaments didactics**, scomençant cul an academic di prime imatricolazion. No son previodûts beneficis par agns academics in plui rispjet ae durade legâl dal cors.

Articul 4 - Recuisîts pe amission ai beneficis

Par otignî i beneficis, i students a àn di vê i recursîts di **iscrizion, merit, reddit e patrimoni** e i eventuâi recursîts specifics in plui par ogni benefici come definîts di chest bant.

4.1 Recuisîts di iscrizion

Si pues presentâ domande ancje se no si è ancjemò iscrits. La iscrizion aes Universitâts, ai Conservatoris, ae Academie e ai ITS Academy, però, e à di jessi fate **dentri dai tiermins previodûts** di ognidune des Istituzions.

I students che a son iscrits intal stes moment a plui cors di lauree a àn di informâ la ARDIS dentri dai 30 di Març dal 2026, scrivint ae direzion ardis@certregione.fvg.it. Inte email a varan di comunicâ i cors di lauree e, par ognidun, l'Ateneu, l'an di imatricolazion e il merit. La ARDIS e fasarà ducj i controis dal câs par garantî l'eventuâl aument dal 20% dal impuart de borse di studi.

Pai students che a domandin i beneficis pal **semestri seguitîf (laureants)**, il recursît di iscrizion al è sodisfat se a son stâts iscrits in maniere regolâr al ultin an di cors intal a.a. 2024/2025 e se a otegnin il titul dentri de session straordenarie dal stes an academic, o se si notin al prin an fûr di cors intal a.a. 2025/2026, dentri dai tiermins previodûts di ogni istituzion.

I laureants **no** puedin otignî la borse di studi se:

- a otegnin il titul prime dai **18 di Setembar dal 2025**
- a otegnin il titul di laurea intune session dal a.a. 2024/2025 e a van indevant cui studis pal a.a. 2025/2026 intun Ateneu, intun Conservatori o intune Istituzion **fûr** de region Friûl-Vignesie Julie (gjavant i Masters).

4.2 Recusîts di merit

Il merit pai students al è calculât su la fonde dai credits formatîfs universitaris (CFU) registrâts in maniere regolâr, o ricognossûts. Pai cors dai Conservatoris e de Academie si àn di lei credits formatîfs academics (CFA) invece che i CFU.

Pai students iscrits ai ITS Academy il recursît di merit al ecuivâl a vê superât cun esit positîf i esams intermedis dai modui davuelts e completâts.

No si calcolin pal merit e duncje no vegnin cjapâts in considerazion i credits:

- **acusîts prime de iscrizion al propri cors di studis.** A fasin ecezion i câs di ricognossiment di credits leâts al trasferiment di un altri Ateneu, al passaç di cors di laurea o ae scurtadure de cariere, restant ferme la valutazion dai agns di iscrizion universitarie;
- **che a derivin di ats di cariere sostignûts par mendâ debits formatîfs** di carieris precedentis;
- **che a derivin di ats di cariere relatîfs a cors singui** che par chei nol sedi stât domandât il ricognossiment dai credits otignûts in chescj cors o, ancje se ricognossûts, che no sedin stâts declarâts pes finalitâts dal otigniment dai recusîts di merit inte domande online;
- **che a derivin di ats di cariere relatîfs a ativitâts didatichis sorennumerariis;**
Si precise che ancje tal câs di imatricolazion a une laurea magjistrâl cun ricognossiment di esams sorennumeraris che a derivin de laurea trienâl, chescj credits no saran contâts par rivâ ai 20 credits che a son il recursît minim di merit che ur covente ai students dal prin an par ricevi il salt de borse di studi;
- **che a derivin di modui di esams integrâts,** che no vegnin registrâts in maniere regolâr inte cariere sul sisteme Esse3 fin al completament dal exam integrât.

In ogni câs ARDIS si riserve di verificâ situazions particolârs che a tocjin procediments amministratîfs relatîfs ae cariere universitarie dai students.

4.2.1 Students iscrits al prin an

I students che **si notin pe prime volte al prin an** dai cors, tal moment de presentazion de domande online, no àn bisugne di nissune carateristiche di merit par inserîsi inte graduatorie dai diviers beneficis in cualitât di idoni e beneficiari.

I students iscrits pe prime volte al prin an di chescj cors a otegnin il versament de prime rate de borse di studi daûr dal possès dai recusîts relatîfs ae cundizion economiche e al recursît di iscrizion esplicitât in chest bant.

I recusîts di merit a son valutâts *in itinere*, par ce che al inten ae idoneitât e al versament de seconde rate de borse di studi.

Par rivâ al numar di credits necessari par ricevi la borse di studi no son calculâts valits i credits ricognossûts in câs di rinunzie, passaç o trasferiments e nol pues jessi fat valê il bonus nomenât tal paragraf 4.2.3.

Se no si ves di rivâ a otignî i credits previodûts dentri dai 30 di Novembar dal 2026, la borse di studi e ducj chei altris beneficis monetaris (art. 25) a saran revocâts e si varà di tornâ ce che si à za ricevût.

4.2.2 Students iscritti a agns dopo dal prin

Pai students iscritti ai ITS Academy il requisît di merit al ecuivâl a vê superât cun esit positîf, dentri dai 10 di Avost dal 2025, i esams intermedis dai modui davuelts e completâts. Il possès di chest requisît al ven comunicât dai ITS Academy ae ARDIS.

I students iscritti ai agns seguitîfs, par podê concori ae assegnazion dai beneficis, a àn za di vê il **requisît di merit dentri dai 10 di Avost dal 2025**:

A.A. di prime imatricolazion	24/25	23/24	22/23	21/22	20/21	Semestri seguitîf
An di iscrizion tal a.a. 2025/2026	2 ^t	3 ^ç	4 ^t	5 ^t	6 ^t	
	Numar di credits complessîfs di otignî, tacant dal an di prime imatricolazion					
Lauree trienâl, Trieni superiôr di I nivel (Conservatori)	25 credits	80 credits	-	-	-	135 credits
Lauree magjistrâl * Bieni specialistic di II nivel (Conservatori) *	30* credits	-	-	-	-	80* credits
Lauree magjistrâl a cicli unic	25 credits	80 credits	135 credits	190 credits	245 credits	+55** credits

* I credits segnâts pe lauree magjistrâl e pal bieni specialistic di II nivel si intindin acuisîts dai students dome intal percors magjistrâl o specialistic.

** Di sumâ al ultin an di cors.

Atenzion: tal câs di rinunziis/trasferiments/passaçs di cors cun ricognossiment di credits, la anzianitât universitarie e pese sul requisît di merit.

I credits indicâts te tabelle, a àn di jessi registrâts in maniere regolâr sul sisteme Esse3 o tai database dai Conservatoris e de Academie cun date di superament dai esams relatîfs no seguitive ai 10 di Avost dal 2025.

Te domande online, i students a son tignûts a declarâ, sot de lôr responsabilitât, il numar di credits che a risulcin registrâts in maniere regolâr te lôr cariere (sul sisteme Esse3 des Universitàs o tal database dai Conservatoris), escludint i credits che no son valits par rivâ al requisît di merit.

Pai cors di studi che la lôr organizazion e previodi **anualitâts cuntun numar di credits di podê otignî plui bas di 60**, come che al è stât comunicât dai ateneus di Triest e dal Friûl, i requisîts di merit standard a son ridefinîts in misure proporzionâl ai credits di podê in efîets otignî, che a vignaran indicâts sul sît www.ardis.fvg.it.

4.2.3 Bonus

Su la fonde dal an di cors frequentât, i students **dopo dal prin an** a cumulin un bonus in CFU che a puedin doprâ par **rivâ al requisît minim di merit**, in plui dai credits otignûts di fat.

Il bonus al va daûr di chescj criteris:

- **fin a 5 credits**, se doprât pe prime volte pai beneficis pal **secont an academic**;
- **fin a 12 credits**, se doprât pe prime volte pai beneficis pal **tierç an academic**;
- **fin a 15 credits**, se doprât pe prime volte pai beneficis pai **agns academic seguitîfs**.

Il bonus al ven **ativât**:

- di cui che al fâs domande, inte **domande online**;
- di ufici** se i bonus a coventin par rivâ al recursît minim di merit.

La verifiche dai credits bonus efetîfs a disposizion e ven fate di ufici. I students a puedin verificâ l'ûs dal bonus online, jentrant te proprie aree risiervade dal "Sportel student", intes graduatoriis dai beneficis che a àn domandât.

Il bonus al pues jessi ativât dome une volte e nol è cumulabil. Il bonus in credits si riferîs a dute la cariere universitarie e no si anule ae fin dal singul cicli di studis. La cuote di bonus cumulate ma no doprade e reste a disposizion pai agns academics seguitîfs.

I students che si son zovâts dal bonus intai agns academics prin dal a.a. 2025/2026 a puedin doprâ dome la cuote no doprade dal stes. I credits bonus che a sedin stâts domandâts intai agns academics prime dal a.a. 2025/2026 no vegnin contâts par otignî il recursît minim di merit previodût di chest bant.

I students notâts a cors di lauree magjistrâl o al bieni specialistic a puedin doprâ dome il bonus cumulât e no doprât tal trieni precedent.

Tal câs che a sedin vanzâts ponts bonus, si puedin doprâ par rivâ al recursît di merit previodût pal semestri dopo. I students a àn di declarâ l'ûs eventuâl di credits bonus in altris Universitâts in carieris precedentis.

Dopo che a son stadis publicadis lis graduatoriis definitivis, la ARDIS e podarà fâ controli a campion par verificâ che lis informazions furnidis sul ûs di credits bonus in carieris precedentis a sedin veris.

I credits bonus no puedin jessi doprâts par rivâ al recursît di merit dal prin an (sedi di lauree trienâl che di lauree magjistrâl).

4.2.4 Students iscritti a cors di specializazion e di dottorât di ricercje

I students iscritti a cors di specializazion, fûr che chei de aree mediche ativâts su la fonde de normative in vore in materie, e ai cors di dottorât di ricercje, che **no** ricevin la borse di studi daûr dal DM dai 30 di Avrîl dal 1999, n. 224 , a àn di vê i recursîts previodûts des Universitâts pe iscrizion regolâr al an academic in cors.

4.3 Recusîts di redit e di patrimoni

I beneficis regolâts di chest bant a jentrin intes prestazions sociâls agevoladis. Lis cundizions economicis dai students a son individuadis su la fonde dal **Indicadôr de Situazion Economiche Ecuivalente (ISEE) pes prestazions agevoladis pal dirit al studi universitari**, in merit ai redits dal 2023 e ae situazion patrimoniâl dal 2023.

Intal specific:

- l'Indicadôr de Situazion Economiche Ecuivalente (ISEE) **pes prestazions agevoladis pal dirit al studi universitari** nol à di passâ il limit di **€ 27.948,60**;
- l'Indicadôr de Situazion Patrimoniâl Ecuivalente (ISPE = ISP/scjale di ecuivalence) nol à di passâ il limit di **€ 60.757,87**.

Si àn di vê chestis dôs cundizions intal stes timp. Cui che al fâs domande, duncje al à di vê un **valôr ISEE** pes prestazions agevoladis pal dirit al studi universitari, e intal stes timp un **valôr ISPE** pes prestazions agevoladis pal dirit al studi universitari, **che no superin i valôrs** segnâts parsore.

ATENZION

Lis borsis di studi dadis fûr de ARDIS a son esentis de declarazion dai redits, ma i impuarts a van ripuartâts tal ISEE. Te proprie aree risiervade in "Sportel student", e je disponibile la Certificazion Uniche (CU) che e ateste l'impuart otignût de bande de ARDIS come borse di studi o altri contribût di declarâ.

I students:

- comunitaris e no comunitaris, **residents in Italie**, cuntun nucli familiâr resident in Italie che al vedi produsût redits e che al vedi patrimoni in Italie e/o tal forest, a àn di lâ **intun cualsisei CAF** par presentâ i documents che a coventin par otignî la atestazion ISEE pes prestazions agevoladis pal dirit al studi universitari relative al redit dal 2023 e ae situazion patrimoniâl dal 2023, e compilâ la relative DSU (Declarazion sostitutive uniche);

- b) comunitaris e no comunitaris, **residents in Italie**, cuntun nucli familiâr resident tal forest e/o cun redits e patrimoniis produsûts o possedûts tal forest, a àn dut câs di declarâ i eventuâi redits e patrimoni possedûts dal propri nucli familiâr in Italie, daûr des modalitâts previodudis di chest bant. Par chest, a àn di lâ **intun cualsisedi CAF** par presentâ i documents che a coventin par otignî la atestazion ISEE pes prestazions agjevoladis pal dirit al studi universitari relative ai redits dal 2023 e ae situazion patrimoniâl dal 2023, che e atesti redits e patrimoni in Italie, e po dopo lâ **dome li di un CAF convenzionât** pe emission dal ISEE universitari parificât (Schede dâts par Indicadôr parificât universitari). La emission de documentazion e je gratuite. I oraris e lis direzions dai CAF convenzionâts a son publicâts sul sît www.ardis.fvg.it;
- c) comunitaris e no comunitaris, **no residents in Italie**, cuntun nucli familiâr che al è a stâ tal forest, a àn di indreçâsi **dome ai CAF convenzionâts** pe emission dal ISEE universitari parificât (Schede dâts par Indicadôr parificât universitari). La emission de documentazion e je gratuite. Lis direzions dai CAF convenzionâts a son publicadis sul sît www.ardis.fvg.it;
- d) **ricognossûts tant che rifugjâts politics** in Italie, a àn di zontâ la certificazion furnide dal Ministeri dai Internis; i **students apolits** a àn di zontâ la copie autenticade de documentazion dade dal Tribunâl Civîl. Par chestis categoriis di students si ten cont dome dai redits percepîts in Italie e dal patrimoni che in câs a vedin in Italie;
- e) **che a vegin dai Paîs daûr a svilupâsi**, su la fonde dal Decret Ministeriâl n. 166 dal 03/03/2025 "Definizion de liste dai Paîs une vore puars pal a.a. 2025/2026" e elencâts inte zonte 2, a àn di presentâ la **valutazion de cundizion economiche**, fate su la fonde di une certificazion de Rapresentance dal Stât talian intal Paîs di divignince, che e atesti **che il student nol è di une famee ricognossude di redit alt e di un nivel sociâl alt**.
Pai students che si notin tal prin an, cheste certificazion e pues jessi furnide di ents talians abilitâts ae prestazion di garanzie di cuvertidure economiche, daûr des disposizions in materie di imatricolazion dai students forescj intes universitâts talianis. In chest câs, l'ent di garanzie si impegne – tal câs di revoche – ae eventuâl restituzion de borse par cont dal student.

La declarazion sostitutive uniche (DSU) e je un document che al conten lis informazions di caratar anagrafic, di redit e patrimoniâl necessariis par descrivi la situazion economiche dal nucli familiâr pe domande di prestazions sociâls agjevoladis, come par esempi lis borsis di studi.

Lis informazions contignudis te declarazion sostitutive uniche (DSU) a son in part autodeclaradis, in part acuisidis in mût diret dai archivis aministratîfs de Agenzie des Jentradis. L'INPS al met a disposizion la atestazion ISEE pes prestazions agjevoladis pal dirit al studi universitari dentri di dîs dîs lavoratîfs de ricezion de DSU.

I students a àn di meti inte domande **online il numar di protocol INPS de atestazion ISEE pes prestazions agjevoladis pal dirit al studi universitari** a lôr riferide; su la base di chest numar, ARDIS e gjave fûr in maniere automatizade de bancje dâts INPS i dâts relatîfs ae atestazion ISEE.

Dentri dal tiermin pe compilazion de domande online par ogni benefici, i students a àn di vê il numar di protocol de atestazion ISEE o il numar de declarazion sostitutive uniche (DSU).

I students specificâts tes letaris precedentis **b), c) e e)** a àn di declarâ inte domande online di vê otignût l'ISEE universitari parificât dentri dai tiermins pe compilazion de domande online par ogni benefici. I CAF convenzionâts a mandaran ae ARDIS i riscuintris informatics. I students interessâts no àn di inserî nissun numar di protocol inte domande online.

Pe domande dai beneficiis di chest bant **e je valide dome la atestazion ISEE pes prestazions agjevoladis pal dirit al studi universitari riferide al student che al fâs domande. No je valide la atestazion cun ISEE ordenari, ancje se riferide al student che al fâs domande.**

I students iscrits ai cors di dottorât (residents o no residents in Italie) a puedin sielzi la costituzion diferente dal nucli familiâr pal acès ai beneficiis, in aplicazion dal articul 8, come 4 dal DPCM n. 159/2013 e modifichis e integrazions seguitivis.

De di dopo di chê dal inseriment dal numar di protocol ISEE te domande online completade, al è pussibil verificâ, te proprie aree risiervade in "Sportel student", te sezion "Redditi INPS Accertati", l'esit de estrazion automatizade dai dâts de bancje dâts INPS e, in câs di erôrs, retificâ in maniere automatiche te procedure online "Comunicazione dati ISEE" il numar di protocol ISEE nomenât sore, e metint dentri un gnûf.

L'ISEE cun anotazions, diformitâts, omissions al compuarte la suspension de proprie posizion te graduatorie.

Il student che al à un ISEE cun anotazions, diformitâts, omissions al à di domandâ une gnove DSU (declarazion sostitutive uniche) dentri dal tiermin perentori dai 31 di Dicembar dal 2025 e trasmetint

une copie ae direzion ardis@certregione.fvg.it dentri dai 31 di Zenâr dal 2026, pene la decjadence dal benefici.

In alternative, dentri dai 31 di Zenâr dal 2026, il student al pues presentâ, pene la decjadence dal benefici, une simulazion ISEE elaborade li di un CAF a pueste, convenzionât cun ARDIS.

ATENZION

Il student che al à presentât la domande online al ven escludût dal benefici che al à domandât se dentri dal tiermin pe presentazion de **istanza di riesam**, previodût par ducj i beneficiis, no risulti li dal INPS o dai CAF convenzionâts une atestazion ISEE valide pes prestazions agevoladis pal dirit al studi riferide a lui, relative ai redits e ae situazion patrimoniâl dal 2023.

I students che a àn un **ISEE corint** invece che un ISEE pes prestazions agevoladis pal dirit al studi universitari, a àn di trasmeti une copie dome ae direzion ardis@certregione.fvg.it dentri dai tiermins previodûts pe presentazion de domande online par ogni benefici. L'ISEE corint **al à validitât di sis mês**, duncje la atestazion e varà di risultâ ancjemò valide te date di presentazion de domande par ogni benefici.

4.3.1. Cundizion dai students independents de famee di divignince

I students a son calculâts independents de famee di divignince se a àn ducj i doi chescj recuisîts:

- **residence**, che e risulde de evidence anagrafiche, fûr de unitât abitative de famee di divignince, fissade di almancul **doi agns** de date di prime presentazion de domande di iscrizion a ogni cors di studis intun lozament che nol sedi di proprietât di un component dal nuclei familiâr di origjin;
- **presince di une capacitât di redit suficiente**, costituite di redits di lavôr dipendent o assimilâts declarâts al fisc di almancul doi agns par no mancul di **€ 9.000,00** anuâi, cun riferiment a un nuclei familiâr di une persone.

In chest câs, i students a puedin presentâ un ISEE pes prestazions agevoladis pal dirit al studi universitari considerant se stes tant che un nuclei.

Par cuantificâ l'impuart de borse di studi, par chescj students al ven ricognossût il stes tratament dai students cul status di **fûr di sede**.

Articol 5 - Students cun disabilitât (su la fonde dal articol 3 de leç dai 5 di Fevrâr dal 1992, n. 104 o cuntune invaliditât a pâs o superiôr al 66%)

I students cun disabilitât a puedin acedi ai beneficiis **fin al secont an fûr cors comprendût (semestri seguitîf)** a partî dal prin an di imatricolazion.

I dâts relatîfs ae disabilitât a son verificâts tes segretariis des Universitâts, dai Conservatoris, de Academie e dai ITS Academy.

5.1 Recuisîts di iscrizion

I recuisîts di iscrizion a son i stes previodûts dal art. 4.1.

5.2 Recuisîts di merit

Lis modalitâts di calcul dai recuisîts di merit a son lis stessis previodudis tal art. 4.2.

I students cun disabilitât, che **si notin pe prime volte al prin an** dai cors, no àn bisugne dal recuisît di merit al moment de presentazion de domande online, par zontâsi te graduatorie dai beneficiis tant che idonis e beneficiaris.

Chescj students a otegnin il versament de prime rate de borse di studi daûr dal possès dai recuisîts relatîfs ae cundizion economiche e al recuisît di iscrizion esplicitât in chest bant. I recuisîts di merit a son valutâts *in itinere*, par ce che al inten ae idoneitât e al versament de seconde rate de borse di studi.

Par rivâ al numar di credits necessari par ricevi la borse di studi no son calculâts valits i credits ricognossûts in câs di rinunzie, passaç o trasferiments e nol pues jessi fat valê il bonus nomenât tal paragraf 4.2.3.

Se no si ves di rivâ a otignî i credits previodûts dentri dai 30 di Novembar dal 2025, la borse di studi e ducj chei altris beneficis monetaris (art. 25) a saran revocâts e si varà di tornâ ce che si à za ricevût.

I requisîts di merit **pai students iscritti a agns seguitîfs** a àn di jessi madurîts **dentri dai 10 di Avost dal 2025**, e a son **ridusûts dal 30% rispjet a chei elencâts parsore tal art. 4.2.2**, come specificât te tabelle chi sot.

A.A. di prime iscrizione	24/25	23/24	22/23	21/22	20/21	prin an fûr cors	semestri seguitîf
An di iscrizione tal a.a. 2024/2025	2 ^t	3 ^ç	4 ^t	5 ^t	6 ^t		
	Numar di credits complessîfs di otignî, tacant dal an di prime imatricolazion						
Lauree trienâl Trieni superiôr di I nivel (Conservatori/Academie)	17 credits	56 credits	-	-	-	94 credits	133 credits
Lauree magjistrâl * Bieni specialistic di II nivel (Conservatori) *	21* credits	-	-	-	-	56 credits	94* credits
Lauree magjistrâl a cicli unic	17 credits	56 credits	94 credits	133 credits	171 credits	209 credits	+38* credits

* I credits segnâts pe lauree magjistrâl e pal bieni specialistic di II nivel si intindin acuisîts dai students intal percors magjistrâl o specialistic.

** Di sumâ tal ultin an di cors.

Atenzion: tal câs di rinunziis/trasferiments/passaç di cors cun ricognossiment di credits, la anzianitât universitarie e incît sul requisît di merit.

I credits indicâts te tabelle, a àn di jessi registrâts in maniere regolâr sul sisteme Esse3 o tai database dai Conservatoris e de Academie cun date di superament dai esams relatîfs no seguitive ai 10 di Avost dal 2025.

Ai students cun disabilitât si aplichin lis disposizions dal art. 4.2 in merit ae validitât dai credits e chês dal art. 4.2.3 in merit ai credits bonus di podê doprâ.

5.3 Requisîts di redit e di patrimoni

I limits di redit, aumentâts dal 25% rispjet ai valôrs segnâts parsore tal art. 4.3, a son chei chi sot:

- l'Indicadôr de Situazion Economiche Ecuivalente (ISEE) pes prestazions pal dirit universitari nol à di passâ il limit di **€ 34.935,75**;
- l'Indicadôr de Situazion Patrimoniâl Ecuivalente (ISPE = ISP/scjale di equivalence) nol à di passâ il limit di **€ 75.947,34..**

Pai students cun disabilitât a son validis chês altris disposizions relativis ai requisîts di redit e di patrimoni dal art.4.3.

5.4 Riserve dal puest di lozament

A son riservâts in dut 2 puestcj di lozament, un par ogni sede operative de ARDIS, a pro di students cun disabilitât motorie, ancje se a vessin di vê indicadôrs ISEE e ISPE superiôrs ai limits indicâts tal art. 5.3, ma che a àn i requisîts di merit elencâts tal art. 5.2. I students a presentaran lis domandis cu lis modalitâts previodudis tal art. 6.

Tal cûs che il numar di domandis al ves di superâ i puestj risiervâts, e sarâ prontade une graduatorie ordenade daûr dai ponts di redit.

Articol 6 - Modalitâts di presentazion de domande

I students a àn di compilâ la domande dome online su www.ardis.fvg.it, a partî de date di ativazion che si publicarâ sul stes sît e po inviâle dentri des 13.00 (ore estive taliane/GMT+2/UTC+2/CEST) dal dì segnât tal calendari des scjadincis. Il sisteme eletronic al certifiche la date e la ore precise de spedizion de domande.

Par compilâ la domande online i students **a àn di identificâsi cul SPID**, sisteme public di identitât digjitâl (viôt www.spid.gov.it), cu la CIE (cjarte di identitât eletroniche), o cun eIDAS dome pai students comunitaris.

I students che no son comunitaris, che a àn dome un document di identitât dât fûr des autoritâts dal lôr Paîs, e che no son residents in Italie, e i students minôrs (talians e forescj) a àn di identificâsi cun chestis modalitâts:

- pe **sede di Triest**, cun **registrazion online sul sît Esse3** pai students che si iscrivin te Universitât di Triest (lis credenziâls a son ativis dentri di 24 oris de registrazion, se no i students a àn di contatâ la sede ARDIS di Triest) sul sît www.ardis.fvg.it pai students che si iscrivin al Conservatori e ai ITS Academy.
- pe **sede di Udin**, cun **registrazion online sul sît www.ardisfvg.it** (se no son ancjemò imatrolâts te Universitât o se a son iscrits al Conservatori, ae Academie o ai ITS Academy) o doprant **lis credenziâls (matricule e password) furnidis de Universitât dal Friûl**, se a son za imatrolâts in chest Ateneu.

La domande online e je uniche: i students che a vuelin domandâ plui beneficis a àn di **compilâ la domande dome une volte, selezionant i beneficis che ur interessin**.

La domande online riferide a plui beneficis e à di jessi presentade dentri de scjadince dal prin tiermin previodût pai beneficis domandâts.

I students, dopo jentrâts te aree personâl online, par compilâ la domande, a àn di:

- inserî o modificâ i dâts anagrafics e cjamâ la copie di un document di identitât valit;
- inserî o modificâ lis informazions relativis a iscrizion, merit (numar di credits e medie aritmetiche dai vòts dai esams registrâts in cariere dentri dai 10 di Avost dal 2025) e situazion economiche;
- selezionâ i beneficis che i interessin;
- controlâ la sintesi de domande cui dâts metûts dentri, che si podaran modificâ fin cuant che la domande no sarâ inviade;
- **inviâ la domande online, midiant conferme dai dâts metûts dentri; dopo inviâts i dâts metûts dentri, a deventin definitifs.**

Si racomande di stâ une vore atents tal compilâ la domande online, parcè che i dâts metûts dentri dai students a son declarazions daûr dal DPR 445/2000, duncje i students a son responsabii de lôr veretât e completece.

La ciertece de spedizion de domande online si à dome cuant che si ricêf il messaç di pueste eletroniche automatiche di conferme, che al ven gjenerât dopo completade la procedure online. Te mail il student al cjatarâ lis informazions su la disponibilitât de sintesi de domande online inte sô aree personâl "Sportel student".

Il student al à di verificâ i dâts de sintesi e di sigurâsi di vê domandât i beneficis che i interessin.

Si precise che la direzion di pueste eletroniche di dulà che e ven inviade la email di conferme no je abilitade a ricevi nissune comunicazion.

Se no vessin di ricevi une email di conferme dentri di 24 oris de spedizion de domande online, i students a àn di contatâ subit il servizi di assistance informatiche assistenza.informatica@ardis.fvg.it.

No son calcoladis validis lis domandis presentadis:

- dopo dai tiermins segnâts sul calendari des scjadincis;
- cun modalitâts diferentis di chês previodudis ta chest bant.

ATTENZION

I file di log a vegnin tignûts cont e doprâts par controlâ i acès al sisteme di bande dai students in cûs di segnalazion di dificolât o impossibilitât a compilâ la domande online.

Si puedin domandâ retifichis di dâts inserîts vie messaç di pueste eletroniche ae direzion info.trieste@ardis.fvg.it o info.udine@ardis.fvg.it dentri dal tiermin di presentazion de domande online in relazion ai beneficis domandâts.

Su la fonde de L. 241/1990 de L.R. 7/2000, l'inizi dal procediment al è publicât sul sît istituzionâl de ARDIS www.ardis.fvg.it te sezion dedicate al Bant unic, e cheste publicazion e conte come comunicazion individuâl dal inizi dal procediment.

6.1 Students no ancjemò imatricolâts

I students che no àn ancjemò completât la imatricolazion te Universitât, tal Conservatori, te Academie o tai ITS Academy a puedin presentâ la **domande online cun riserve di iscrizion**, dentri des scjadincis segnadis in chest bant. In ogni câs, si à di notâsi dentri dai tiermins previodûts dal art. 4.1.

Il student che nol perfezione la imatricolazion te Universitât, Conservatori e Academie o la iscrizion te ITS Academy, al à di comunicâlu cun prontece vie email ae direzion di pueste eletroniche: info.trieste@ardis.fvg.it o info.udine@ardis.fvg.it, daûr de sede dulà che al veve presentade la domande online.

6.2 Students interateneu Friûl-Triest

I students iscrits a cors di lauree interateneu fra Friûl e Triest a àn di presentâ la domande online pai beneficis ae sede ARDIS competente cun riferiment ae **sede amministrative dal cors di lauree** (Universitât dulà che il student al paie lis tassis) e a àn di indicâ ançe la sede didattiche prevalente.

6.3 Students no comunitaris - altre documentazion

La ARDIS e verifiches tes basis di dâts des istituzions universitariis di riferiment che i students ur vedin presentât la **copie dal permès di permanence o pûr la copie de ricevute postâl che e certifiche la domande** di emission o di rinovazion dal permès stes.

Altre documentazion di cjamâ online (upload) inte sezion “carica documenti” dal “Sportel student”:

- **la certificazion furnide dal Ministeri dal Interni** se a son students ricognossûts tant che **rifugjâts politics** in Italie;
- **la copie autenticade de documentazion dade fûr dal Tribunâl Civîl pai students apolits;**
- **la certificazion de Rapresentance dal Stât talian intal Paîs di divignince** che e certifiçi che il student nol fâs part di une famee ricognossude di redit alt e di nivel sociâl alt, **pai students citadins di Paîs daûr a svilupâsi** (v. liste de Zonte 2).

Il tiermin ultin par cjamâ online (upload) cheste documentazion al è che previodût par presentâ **istanze di riesam** aes rispetivis graduatoriis dai beneficis.

6.4 Trasferiment de domande di un altri Ent pal dirit al studi

Al è ametût il trasferiment de domande di beneficis di un altri Ent erogadôr di beneficis pal dirit al studi ae ARDIS, a cundizion che la domande e sedi presentade dentri dai tiermins previodûts di chel altri Ent. La domande di trasferiment complete de scansion di chê precedente presentade a chel altri Ent e à di jessi inviate dome ae direzion ardis@certregione.fvg.it dentri dai tiermins previodûts par presentâ istanze di riesam par ogni benefici.

6.5 Trasferiment de domande tra lis sedis de ARDIS

Al è ametût il trasferiment de domande di beneficis di une sede operative a chê altre a cundizion che la domande e sedi stade presentade dentri des scjadincis previodudis pai singui beneficis. La domande di trasferiment e à di jessi inviate, in vie esclusive, ae direzion ardis@certregione.fvg.it

Il trasferiment de domande che e fâs riferiment al benefici dal puest di lozament e à di rivâ dentri dal tiermin previodût par presentâ istanze di riesam par chest benefici.

Par chei altris beneficis il trasferiment de domande al pues jessi domandât dentri dai 30 di Avrîl dal 2026.

Articul 7 - procedure pe formazion des graduatoriis

ARDIS e pronte graduatoriis di pueste pe concession di ognidun dai beneficis. Il numar dai beneficiaris al è fissât in proporzion al numar dai students ametûts al concors iscrits a ognidune des areis didatichis competentis rispiet al totâl dai students idonis al concors, tignût cont des risiervis di assegnazion previodudis dal bant.

7.1 Students iscrits al prin an

Pai students iscrits al prin an dai cors, lis graduatoriis a vegnin prontadis su la fonde dal indicadôr ISEE pes prestazions agevoladis pal dirit al studi universitari, cu la assegnazion di un numar di ponts in ordin decessint di un massim di 1000 tal câs che l'ISEE pes prestazions agevoladis pal dirit al studi universitari al ecuivali a 0 euro, a un minim di 0 ponts tal câs che l'ISEE pes prestazions agevoladis pal dirit al studi universitari al ecuivali al soiâr di riferiment. I ponts a vegnin calculâts aplicant cheste formule:

$$PUNTEGGIO = \left[\frac{(SOGLIA DI RIFERIMENTO) - ISEEU}{SOGLIA DI RIFERIMENTO} \right] \times 1000$$

7.2 Students iscrits a cors di specializazion e di dottorât di ricercje

Pai students iscrits ai cors di specializazion, cu la ecezion di chei de aree mediche ativâts su la fonde de normative in vore in materie, pai students iscrits ai cors di dottorât di ricercje, che no si zovin de borse di studi che di chês al DM dai 30 di Avrîl 1999, n. 224, lis graduatoriis a son unichis pai students iscrits al prin an e a agns seguitîfs e a vegnin metudis adun su la fonde dal indicadôr ISEE pes prestazions agevoladis pal dirit al studi universitari, cu la assegnazion di un numar di ponts in ordin decessint di un massim di 1000 ponts tal câs che l'ISEE pes prestazions agevoladis pal dirit al studi universitari al ecuivali a 0 euro, fin a un minim di 0 ponts tal câs che l'ISEE pes prestazions agevoladis pal dirit al studi universitari al ecuivali al soiâr di riferiment. I ponts a vegnin calculâts aplicant cheste formule:

$$PUNTEGGIO = \left[\frac{(SOGLIA DI RIFERIMENTO) - ISEEU}{SOGLIA DI RIFERIMENTO} \right] \times 1000$$

7.3 Students iscrits a agns dopo dal prin

Pai students iscrits a agns seguitîfs al prin a cors ativâts dopo de riforme che di chês al DM dai 3 di Novembar dal 1999, n. 509, modificât dal DM 270/2004, lis graduatoriis di ducj i concors a vegnin metudis adun su la fonde dal merit, in ordin decessint di ponts, partint di un numar massim di 1000 ponts atribuîts a cui che al fâs domande. I ponts a vegnin calculâts aplicant cheste formule:

$\frac{\text{ann./cred. sostenuti} - \text{minimo ann./cred. richiesti}}{\text{ann./cred. piano} - \text{minimo ann./cred. richiesti}} \times 600$	+	$\frac{\frac{\text{somma voti}}{\text{numero esami}} - 18}{30 - 18} \times 400$
--	---	---

Par ce che al rivuarde i criteris di aprossimazion, il tarondament al ven fat par difiet se la cifre decimâl e je plui basse de metât, par ecès se e je compagne o plui alte de metât.

Ai students iscrits ai Conservatoris e ae Academie si aplichin lis stessis disposizions, stant che a son compatibilis.

7.4 Paritât di ponts

Tal câs di students iscrits a agns seguitîfs al prin, a paritât di ponts (calculâts fin ae seconde cifre decimâl) e ven dade precedence a chei che a àn une cundizion economiche mancual favorevule.

Pai students iscrits al prin an di cors, a paritât di ponts, e ven dade precedence ai students plui zovins.

Articol 8 - Pubblicazion des graduatoriis

ARDIS e met adun graduatoriis provisorii e definitivis differentis par ogni benefici, scjadince e sede operative, che a vegnin **publicadis sul sît www.ardis.fvg.it**. **La pubblicazion e vâl come comunicazion ai students dal esit dal concurs.**

I students a vegnin inserîts tes graduatoriis cul codiç utent, e no cul nominatîf, par adempî ai oblics in materie di trasparenze/privacy. Al è simpri pussibil cjatâ il codiç, assegnât a ogni student dal software intant de compilazion de domande online, te proprie aree risiervade dal "Sportel student" o sul file di sintesi de domande: il codiç utent al è formât des **ultimis cinc cifris dal codiç "Domande"**.

I students a puedin verificâ il risultât des graduatoriis doprant i servizis online dal sît ARDIS, midiant de funzion **"Sportel student"**.

Lis comunicazions publicadis tal "Sportel student", a valin a ducj i efets di leç tant che notificazions.

Vie pal an academic, la ARDIS e proviodarà a publicâ eventuâi inzornaments des graduatoriis definitivis tignût cont des retifichis e des rinunziis presentadis dai students, dal risultât des verifichis puartadis indenant di ufici e di risorsis in plui che a vessin di diventâ disponibilis.

Par chest, il student al è tignût a controlâ cun regolaritât la proprie aree risiervade.

Articol 9 – Istancis di riesam

Eventuâls istancis di riesam, che a vedin par ogjet l'esit de graduatorie, a àn di jessi presentadis **cence pussibilitât di ritart** dentri dai 3 dîs seguitîfs ae pubblicazion des graduatoriis provisorii o dentri dal tiermin che al sarà specificât sul sît www.ardis.fvg.it

Cu la pubblicazion des graduatoriis provisorii, a saran comunicadis lis modalitâts di presentazion des istancis di riesam.

Lis istancis di riesam presentadis fûr tiermin o cun modalitâts differentis di chês previodudis no saran ogjet di valutazion.

No saran valutadis lis istancis di riesam che si riferissin a atestazions ISEE relativis a redits e patrimoniis diferents di chei indicâts prime tal articol 4.3.

In ogni câs la ARDIS si riserve la facultât di fâ modificazions di ufici, su la fonde di fats che e ven a savê, ancje su segnalazion des Universitâts, dai Conservatoris, de Academie o dai ITS Academy.

L'esit des istancis di riesam al devente definitiv cu la pubblicazion des graduatoriis definitivis. Cuintri de decision de ARDIS al è pussibil presentâ ricors al Tribunâl Aministratîf Regionâl competent dentri di 60 dîs o al President de Republiche dentri di 120 dîs de date di pubblicazion des graduatoriis.

Articol 10 - Aciertaments su lis cundizions di merit e economicis e sanzions

La ARDIS e proviôt a controlâ la veretât des declarazions produsudis dai students che a risultin beneficiaris o idonis, puartant indenant lis verifichis dal câs, ancje midiant dal jutori di professioniscj dal setôr, zovantsi de normative in vore e in particolâr dal art. 10 dal decret legjislatîf dai 29 di Març dal 2012 n. 68.

La ARDIS e scambie informazions cui orghins e cu lis aministrazions competents.

I aciertaments su lis cundizions economicis a vegnin fats in vie telematiche cul INPS e cu la Agenzie des Jentradis.

I aciertaments su lis cundizions di merit a vegnin fats vie pal an academic cu lis Universitâts midiant dal sisteme Esse3 o ben cun domande di conferme dai dâts declarâts aes Segretariis dai Conservatoris e de Academie.

ATTENZION

I students a son invidâts a verificâ che i esams sostignûts o i credits madurîts a sedin stâts registrâts cun regolaritât cun **date no seguitive ai 10 di Avost dal 2025** sul sisteme Esse3.

Lis pozisions di redit e patrimoniâls dai sogjets beneficiaris a saran controladis come che a previodin ancje il protocol di intese cu la Vuardie di Finance e lis relativis liniis vuide.

In câs di **declarazions no veris** si aplichin, in plui des **sanzions previodudis** dal ordenament, chês previodudis dal citât art. 10 dal decret legjislatîf dai 29 di Març dal 2012 n. 68 **che a domandin il paiament di une sume che eucivâl a trê voltis chê ricevude, e che a puartin ae pierdite dal dirit di otignî altris erogazions pe durade dal cors di studis, e in ogni câs e reste salve la aplicazion des normis penâls pai fats che a constituissin reât.**

Tal câs che la indagazion e dimostri che al è stât declarât il fals, o che a sedin stâts presentâts documents fals o che a ripuartin dâts fals, **al è revocât o rideterminât ogni benefici e a vegnin recuperadis lis sumis ricevudis cence vê dirit o il cost forfeitari dal servizi mense** gjoldût in maniere improprie.

Articul 11 - Decjadence e escluson dai beneficis

La decjadence dai beneficis e je previodude pai students che **no** ur è stât dât fûr il benefici in bêçs o in servizis:

- iscrits pe prime volte al prin an dai cors di lauree trienâl, di lauree magjistrâl, di lauree magjistrâl a cicli unic, dai Conservatoris e de Academie, che dentri dai 30 di Novembar dal 2026 no vedin otignût almancul 20 credits (o almancul 9 credits se students cun disabilitâts, su la fonde dal art. 5) che no vedin ricevût la prime rate;
- iscrits pe prime volte al prin an di cors cun esams dome anuâi, che dentri dai 30 di Novembar dal 2026 no vedin otignût almancul 10 credits che no vedin ricevût la prime rate;
- che a risultin vê une anzianitât universitarie che e va di là dal timp di amissibilitât ai beneficis;
- che a vedin un titul di studi dal stes nivel o superiôr, ancje se otignût tal forest;
- che si trasferissin intune altre sede universitarie o che a rinunziin ai studis pal a.a. 2025/2026 prime dal prin di Lui dal 2026;
- che a declarin o che a vedin declarât il fals intai agns passâts;
- che no si sedin iscrits al an academic o scolastic di riferiment dentri dai tiermins previodûts des Universitâts, dai Conservatoris, de Academie o dai ITS Academy;
- iscrits a cors di specializazion, fûr che chei de aree mediche ativâts su la fonde de normative in vore su la materie, par un timp superiôr ae durade previodude dai ordenaments didactics tacant dal an di prime iscrizione;
- iscrits a cors di dottorât di ricercje, che no sedin beneficiaris de borse di studi su la fonde dal DM dai 30 di Avrîl dal 1999, n. 224, par un timp superiôr ae durade previodude dai ordenaments didactics rispetîfs, tacant dal an di prime iscrizione;
- cun mancjade regolarizazion e transmission ae ARDIS dal ISEE cun anotazions, diformitâts, omissions dentri dai 31 di Zenâr dal 2026

Cun di plui, a son escludûts dai beneficis i students che no vedin sierade la pratiche online pe domande beneficis in dutis lis sôs modalitâts e proceduris, dentri des scjadincis previodudis.

Dome pal benefici de borse di studi, a son escludûts i students che a sedin beneficiaris di altris borsis di studi di impuart plui alt di € 1.500,00 (v. art. 24 di chest bant).

Par no lâ in decjadence, i students che si cjatin intun o plui dai câs indicâts, a àn di dâ comunicazion imediade ae ARDIS par email, scrivint ae direzion ardis@certregione.fvg.it, comunicant la rinunzie al benefici assegnât, e no dât fûr.

La ARDIS, in ogni câs, e larà indenant tal escludi dai beneficis chei che a fasin domande che si cjatin intun o plui dai câs segnâts ca parsore, su la base des informazions che e vignarà a cognossince.

La comunicazion di decjadence dai beneficis e je publicade sul sît istituzionâl de ARDIS; cheste comunicazion e vâl a ducj i efïets di leç tant che notificazion.

Articul 12 - Informative sul tratament dai dâts personâi daûr dal D.L.gs. 196/2003 (Codiç in materie di protezion dai dâts personâi) e dai artt. 13 e 14 dal Regolament UE 679/2016 (General Data Protection Regulation)

TITULÂR DAL TRATAMENT: il Titulâr dal tratament dai dâts personâi al è la Agenzie regionâl pal dirit al studi - ARDIS, rapresentade dal Diretôr gjenerâl, cun sede in salita Monte Valerio 3, 34127 Triest, tel: +39 040 3595326/328 email: direzione@ardis.fvg.it PEC: ardis@certregione.fvg.it

RESPONSABIL DE PROTEZION DAI DÂTS: il Responsabil de protezion dai dâts personâi (RPD) si pues contatâ a chestis direzions: email: direzione@ardis.fvg.it PEC: ardis@certregione.fvg.it

RESPONSABIL DAL TRATAMENT: Insiel S.p.A., cun sede in via San Francesco d'Assisi 43, 34133 Triest, tel: +39 040 3737111 email: privacy@insiel.it al è il Responsabil dal tratament dai dâts personâi, fat cul jutori di imprescj informatics e telematics, e de conservazion dai stes.

SUBRESPONSABIL DAL TRATAMENT: il Subresponsabil dal tratament dai dâts personâi (nomenât di Insiel S.p.A.) al è In4matic, vie Breventano 12, 27100 Pavie.

FINALITÂT DAL TRATAMENT: il tratament dai dâts personâi (come par esempi non, cognon, lûc e date di nassite, codiç fiscâl, recapit privât complet, numar di telefon, direzion email, details dal document di identitât, situazion economiche de famee, riferiments de bancje e di paiament) al è fat cence doprâ procès decisionâi automatizâts, come la profilazion, e al à l'obietîf di meti in vore in maniere complete e corete la procedure di concession dai beneficis presentâts ta chest Bant e di davuelzi i controis seguitîfs su lis declarazions sostitutivis daûr dal D.P.R. 445/2000, presentadis a completament des istancis.

I dâts di contat comunicâts (numar di telefon e direzion email) a podaran ancje jessi doprâts par informazions, comunicazions e par promovi iniziativis istituzionâls di competence de ARDIS, tal ambit dai servizis prestâts a pro dal dirit al studi.

FONDE JURIDICHE DAL TRATAMENT: la fonde juridiche dal tratament si le cjate te leç regionâl dai 14 di Novembar dal 2014, n. 21 "Normis in materie di dirit al studi universitari".

MODALITÂT DAL TRATAMENT E CONSERVAZION DAI DÂTS: il tratament dai dâts personâi al ven fat midiant di imprescj manuâi, informatics e telematics, daûr di logjichis che a aderissin aes finalitâts elencadis parsore e simpri in maniere di garantî la sigurece e la riservatece dai dâts stes. Il Titulâr al ten cont i dâts personâi comunicâts par no plui di 10 agns, se no son altris oblics di leç.

DESTINATARIS DAI DÂTS: i dâts personâi a son acessibii ai dipendents e ai colaboradôrs dal Titulâr, dal Responsabil e dal Subresponsabil daûr dai principis di coretece, legjimitât, trasparenza, pertinance e no ecedence risprietant lis finalitâts de raculte e di tratament seguitîf. Lis personis che a tratin i dâts dai utents a son vincoladis, in plui che al rispriet des normis di setôr su la privacy, al segret di ufici. Il Titulâr al comuniche, a richieste, i dâts personâi a Organisms di vigilance e Autoritâts publichis, in plui che a chei sogjets che si scuon comunicârai par puartâ indenant lis finalitâts istituzionâls de ARDIS. Cence bisugne dal consens, ARDIS e à dirit di ricevi i dâts personâi di sogjets tierçs che a colaborin pes finalitâts istituzionâls de ARDIS. I dâts personâi a puedin jessi publicâts dome par sodisfâ lis esigjencis de amministrazion trasparente disciplinadis de leç.

TRASFERIMENT DAI DÂTS: nol è previodût il trasferiment dai dâts tal forest.

CONFERIMENT DAI DÂTS: il conferiment dai dâts personâi al è obligatori pe concession e pe erogazion dai beneficis elencâts ta chest Bant.

DIRITS DAL INTERESSÂT E MODALITÂT DI ESERCIZI: l'interessât al gjolt dai dirits specificâts tal Regolamento UE 2016/679, tra chescj il dirit di acès ai siei dâts, la lôr retifiche o cancelazion, la limitazion o la oposizion al lôr tratament, in plui che il dirit ae puartabilitât dai dâts; cun di plui l'interessât al à dirit di fâ reclam al Garant pe protezion dai dâts personâi. L'interessât al pues esercitâ i siei dirits in cualsisei moment scrivint al Titulâr dal tratament:

- a) vie email ae direzion direzione@ardis.fvg.it
- b) vie PEC ae direzion ardis@certregione.fvg.it

Articul 13 - Normative di riferiment

Chest bant al è regolât tal rispriet dai principis e des disposizions che a disciplinin il dirit al studi universitari, a nivel statâl e regionâl, in plui che tal rispriet de normative di riferiment e in particolâr:

- dal decret legjislatîf n. 68 dai 29 di Març dal 2012 "Revision de normative di principi in materie di dirit al studi" e modificazions e integrazions seguitivis;
- de leç n. 240/2010 "Normis in materie di organizacion des universitâts, dal personâl academic e reclutament, in plui che deleghe al Guvier par incentivâ la cualitât e la eficiencie dal sisteme universitari" e modificazions e integrazions seguitivis;
- dal DPCM 09.04.2001 "Uniformitât di tratament sui studis universitaris", pe part che si pues ancjemò aplicâ;
- de leç regionâl n. 7/2000 "Test unic des normis in materie di procediment amministratîf e di dirit di acès";

- dal DPR n. 87 dai 15 di Març dal 2010 di emanazion dal "Regolament cu lis normis par riordenâ i istitûts professionai" e modificazions e integrazions seguitivis;
- de leç n. 99/2022 "Istituzion dal Sisteme terziari di istruzion tecnologjiche superiôr" e modificazions e integrazions seguitivis;
- de leç regionâl n. 21/2014 "Normis in materie di dirit al studi universitari" e modificazions e integrazions seguitivis;
- de leç regionâl n. 24/2020 "Disposizions in materie di istruzion e dirit al studi; des modificazions ae leç regionâl n. 13 dai 30 di Març dal 2018 (Intervents in materie di dirit al studi e potenziament de ufierte formative dal sisteme scolastic regionâl), e ae leç regionâl dai 14 di Novembar dal 2014, n. 21 (Normis in materie di dirit al studi universitari);
- dal DPCM n.159 dai 5 di Dicembar dal 2013 di adozion dal "Regolament su la revision des modalitâts di determinazion e i cjamps di aplicazion dal Indicadôr de Situazion Economiche Ecuivalente (ISEE)" e modificazions e integrazions seguitivis;
- dal DPR n.394 dal 31.08.1999 di emanazion dal "Regolament cu lis normis di atuazion dal test unic des disposizions su la dissipline de imigrazion e normis su la cundizion dal forest, a norme dal articul 1, come 6, dal decret legjislatîf dai 25 di Lui dal 1998 n. 286 e modificazions e integrazions seguitivis;
- dal DPR n. 445 dal 28.12.2000 "Test unic des disposizions legjislativis e regolamentârs in materie di documentazion aministrative" e modificazions e integrazions seguitivis;
- dal decret legjislatîf n. 368/1999 "(Metude in vore de directive 93/16/CEE in materie di circolazion libare dai miedis e di ricognossiment vicendevul dai lôr diplomis, certificâts e altris titui e des diretivis 97/50/CE, 98/21/CE, 98/63/CE e 99/46/CE che a modifichin la directive 93/16/CEE)" e modificazions e integrazions seguitivis;
- dal DM n. 224/1999 di adozion dal "Regolament in materie di dottorât di ricercje" e modificazions e integrazions seguitivis;
- dal DM n. 270/2004 di adozion des "Modificazions al regolament cu lis normis sul cont de autonomie didattiche dai ateneus, fat bon cun decret dal Ministri de universitât e de ricercje scientifiche e tecnologjiche ai 3 di Novembar dal 1999, n. 509." e modificazions e integrazions seguitivis;
- de leç n. 35 dai 4 di Avrîl dal 2012 "Conversion in leç, cun modificazions, dal decret-leç dai 9 di Fevrâr dal 2012, n. 5, cun disposizions urgjentis in materie di semplificazion e disvilup" e modificazions e integrazions seguitivis;
- de leç n. 221 dai 17 di Dicembar dal 2012 "Conversion in leç, cun modificazions, dal decret-leç dai 18 di Otubar dal 2012, n. 179, cun gnovis disposizions urgjentis pe cressite dal Paîs" e modificazions e integrazions seguitivis;
- dal DM n. 1320/2021 "Increment dal valôr des borsis di studi e recuisîts par acedi ai beneficis pal dirit al studi su la fonde dal d.lgs. n. 68/2012 in aplicazion dal art. 12 dal d.l. dai 6.11.2021 n. 152";
- dal DM 166 dal 03/03/2025 "Definizion de liste dai Paîs une vore puars pal an academic 2025/2026";
- de leç n. 33 dai 12 di Avrîl dal 2022, "Disposizions in materie di iscrizion contemporanie a doi cors di istruzion superiôr".
- dal DM 418 dal 30/05/2025 su la dissipline di atuazion des gnovis modalitâts di acès ai cors di lauree magjistrâl a cicli unic in Medisine e Chirurgjie, Odontoiatrie e Protesi Dentarie e Medisine Veterinarie - a.a. 2025-2026.
- dal Decret Diretoriâl dal Ministeri de Universitât e de Ricercje n. 180 dai 28/02/2025 sul inzornament dai limits massims dal ISEE e dal ISPE;
- dal Decret Diretoriâl dal Ministeri de Universitât e de Ricercje n. 181 dai 28/02/2025 sul inzornament dai impuarts des borsis di studi pal a.a. 2025/2026.

E je ancjemò *in itinere* la aprovazion dal scheme di DM pe metude in vore dal 4 c. 3 dal D.lgs. dai 15 di Mai dal 2025, n. 71, su la "Dissipline des gnovis modalitâts di acès ai cors di lauree magjistrâl a cicli unic in Medisine e Chirurgjie, in Odontoiatrie e Protesi Dentarie e in Medisine Veterinarie in atuazion dal art. 2, c. 2, letaris a), b), c), d), e), i) e l) de leç dai 14 di Mai dal 2025, n. 26".

Par ce che nol è contemplât tes disposizions chi parsore, si aplichin lis normis di leç in materie di dirit al studi universitari e il Program trienâl dai intervents in materie di dirit al studi universitari (DSU) trieni 2024/2027 fat bon cun DZR n. 786 dai 12 di Jugn dal 2025, in conformitât aes Liniis Vuide de ARDIS pe atuazion des finalitâts, dai intervents e dai servizis in materie di dirit al studi universitari (DSU) trieni 2024/2027,

Articul 14 - Fonts destinâts ae concession di borsis di studi

1. A concorin al finanziament di chest bant:
 - a. La butade de tasse regionâl pal dirit al studi e de tasse di abilitazion professionâl
 - b. Il Fonts integratîf regionâl - FIR de Region autonome Friûl-Vignesie Julie
 - c. Il Fonts integratîf statâl - FIS
 - d. Lis risorsis in plui tal ambit dal Plan nazionâl di riprese e Resilience, Mission 4 Component 1 invistiment 1.7 "Borsis di studi pal acès ae universitât" - finanziât de Union Europeane - NextGenerationEU
 - e. Il Fonts sociâl european + - FSE+
 - f. Eventuâi fonts de ARDIS
2. La font di finanziament di divignince europeane e je destinade ae atuazion dal Program Specific n. 7/25 - Borsis di studi universitariis, introdusût dal Document "Planificazion periodiche des operations - PPO - Anualitât 2025", fat bon de Zonte regionâl cun deliberazion n. 459 dai 4 di Avrîl dal 2025 e si inserîs tal quadri di program dal PR FSE+ 2021-2027, Prioritât: 4 - Zovins

BORSE DI STUDI

Scjadince ai 18 di Setembar dal 2025
aes 13:00 (ore estive
taliane/GMT+2/UTC+2/CEST)

Articul 15 – Tiermin e modalitâts di presentazion de domande

I students che a vuelin domandâ la borse di studi **a àn di compilâ la domande online e mandâle dentri des 13.00 (ore estive taliane/GMT+2/UTC+2/CEST) dai 18 di Setembar dal 2025** rispjetant lis modalitâts specificadis tal articul 6 di chest bant.

Articul 16 - Status dai students: in sede, pendolâr e fûr di sede

Il Comun di residence dai students e la distance de sede dal cors di studis frecuentât a contribuissin a definî il status dai students beneficiaris, par calculâ l'impuart des borsis di studi, daûr di chestis modalitâts:

16.1 Students comunitaris

Pai students comunitaris il status dai students in sede, pendolârs o fûr di sede, pes finalitâts di chest concors, e je definide inte zonte 1. Par risultâ beneficiaris de borse di studi tant che fûr di sede, i students a àn in ogni câs di rispjetâ ce che al è previodût dal **articul 16.3**.

16.2 Students no comunitaris

I students no comunitaris a puedin jessi considerâts tant che fûr di sede **in maniere indipendente de lôr residence in Italie**. A fasin ecezion i students cuntun nucli familiâr che al sedi resident in Italie, o i students forescj che a costituissin in Italie un nucli familiâr autonom e diviers di chel di origjin: in chescj câs si cjape in considerazion la residence in Italie. I students no comunitaris, a ogni mût, par jessi ricognossûts tant che students fûr di sede, a àn di lâ daûr di ce che al previôt l'**articul 16.3. Tal câs che no presentin il contrat di locazion e che a vedin il nucli familiâr resident tal forest, a vegin calculâts tant che pendolârs**.

16.3 Status di fûr di sede

A son definîts "fûr di sede" i students residents intai comuns calculâts fûr di sede inte zonte 1 se:

- a. a declarin online dentri de scjadince di cjàpâ lozament (cun contrat di locazion o di ospitalitât) dongje de sede universitarie (ven a stâi intai comuns calculâts in sede in relacion ae sede didattiche dal cors) par no mancûl di 10 mês contâts intal periodi cjàpât dentri tra il prin di Setembar dal 2025 e i 30 di Setembar dal 2026 e che lu mantegnin pal interval di timp minim.
- b. a doprin, a titul onerôs, lis struturis residenziâls de ARDIS par no mancûl di 10 mês.

Il status dal student ricognossût tant che fûr di sede al ven rideterminât se il stes al iscrîf la residence anagrafiche intun Comun segnât come in sede (zonte 1) a pet de sede dal cors frecuentât; cheste prevision no si apliche al student independent e al student no comunitari cul nucli familiâr resident tal forest.

Ai students "independents" definîts tal art. 4.3.1, ur ven ricognossût il stes tratament aplicât ai students cul status di fûr di sede.

Il limit di 10 mës al è ridusût a 6 mës pai students laureants dal ultin an di cors cu la cualifiche di regolâr, che a vuelin sostignî l'esam gjenerâl di lauree dentri dal ultin apel previodût pal a.a. 2024/2025 e pai students notâts al semestri seguitîf a pet de durade previodude dai ordenaments didactics corrisponents.

La declarazion online pal ricognossiment dal status di fûr sede e pues jessi fate:

- **te domande online**, dentri dal tiermin di scjadince pai singui beneficis;
- inte sezion online dedicate "**dâts dal contrat di locazion**", **dentri dai 21 di Otubar dal 2025 aes 13.00** par risultâ fûr di sede inte graduatorie definitive.

I students che no àn podût compilâ la part de domande online in merit al contrat di locazion, par vie che no vevin ducj i dâts necessaris, a scuegnin declarâ te sezion a pueste "dâts dal contrat di locazion" che a àn doprât il lozament a paiament par almancul 10 mës, indicant il recapit, il cost di locazion mensîl, la durade dal contrat, la scjadince e i estrems di registrazion li de Agenzie des Jentradis.

Il numar di registrazion dal contrat di locazion di inserî online al è il numar a 6 cifris che al scomence cu la peraule "Serie..." o ben il codiç identificatîf di 17 caratars, che dentri di chest al ven ripuartât ancje il numar a 6 cifris.

No si à di meti dentri il numar di protocol di registrazion dal contrat.

La sezion "dâts dal contrat di locazion" si podarà compilâ in maniere indicative dal prin di Setembar dal 2025 indenant.

Si precise che zontâ te domande online o te sezion dedicate "**dâts dal contrat di locazion**" un contrat che al scjât prime dai **21 di Otubar dal 2025** nol permet l'inseriment in graduatorie tant che fûr di sede. Par esempi, un student che al à un contrat che al scjât ai 30 di Setembar dal 2025 al à di inserî i dâts dal gnûf contrat o di chel rinovât pal an seguitîf.

I students che a an un contrat pal lozament cuntune scjadince plui basse di 10 mës, e che a intindin rinovâlu o stipulâ un gnûf, par confermâ il status di fûr di sede a àn di inviâ une email a info.trieste@ardis.fvg.it o info.udine@ardis.fvg.it cui dâts dal rinovament dal contrat o dal gnûf contrat stipulât che ur permet di rivâ ae durade di 10 mës di lozament a paiament dentri dai 30 di Avrîl dal 2026. In câs di mancjade comunicazion dentri dai 30 di Avrîl dal 2026, l'impuart de borse di studi al sarà rideterminât di fûr di sede a pendolâr, fûr che par chei che a àn contrats cuntune date di scjadince seguitive a chê indicade. In câs di variazion dal recapit vie pal an academic, i students a àn di comunicâle subit ae ARDIS, cu lis modalitâts specificadis parsore.

No àn di presentâ la declarazion sul lozament a paiament i students **assegnataris di lozament** tes struturis metudis a disposizion de ARDIS pal a.a. 2025/2026, che a àn cjapât possès in maniere regolâr dal lozament.

ATTENZION

Se **dentri des 13.00 dai 21 di Otubar dal 2025** no risultaran inserîts online ducj i dâts dal contrat di locazion, cjapâts dentri chei di registrazion ae Agenzie des Jentradis, o ben i contrats di ospitalitât in convits e cjasis dal student publichis o privadis, chei che a fasin domande, ancje se a son residents in comuns calcolâts tant che fûr di sede, a concorin ae borse di studi tant che "pendolârs".

Si vise che i 10 mës di lozament a paiament a àn di jessi contâts tal periodi comprendût fra il **1ⁿ di Setembar dal 2025 e i 30 di Setembar dal 2026**.

16.3.1 Contrat a paiament

Par jessi considerâts fûr di sede, i students a àn di vê un **contrat di locazion sotscriit in maniere regolâr e registrât a norme di leç o un contrat di ospitalitât intun convit**, che al vedi par ogjet un imobil in Italie, logât dongje de sede universitaria che e je sede dal cors di studi. Il contrat di locazion al à di jessi intestât o cointestât al student o a un component dal so nucli familiâr. Pai students domiciliâts in convits e cjasis dal student publichis o privadis, e covente une certificazion valide ai fins fiscâi relative al paiament dal cost di locazion di podê esibî in câs di controis de bande de ARDIS. I dâts elencâts parsore a àn di jessi comunicâts dentri dai tiermins e cu lis

modalitâts previodudis dal precedent art. 16.3. Il contrat di locazion nol à di riferîsi a un imobil di proprietât di un component dal nucli familiâr dal student che al fâs domande pe borse di studi.

La cuote di locazion mensîl che i students a àn di paiâ, al net des spesis pes utencis (par esempli aghe, lûs, gas, riscjaldament, ...) **no pues jessi plui basse di € 150,00.**

16.3.2 Students interateneu Triest - Udin

I students iscrits a un cors di studis interateneu fra Universitât di Triest e chê dal Friûl a son tignûts a declarâ, in sede di domande online, la **sede didattica prevalente** (chê dulà che al darà la plui part dai esams tal cors dal an academic), cence considerâ la sede amministrative, par podê determinâ se il so status al è fûr di sede, pendolâr o in sede. Al tiermin dal an academic, la ARDIS e proviodarà a verificâ la sede dulà che si son tignûts i esams e in câs a rideterminâ l'impuart dal benefici.

16.3.3 Students iscrits al semestri filtri

I students iscrits al semestri filtri a saran zontâts ae graduatorie cuntune note sospendive "semestri filtri" che no permetarà di perfezionâ la assegnazion de borse e il relatîf versament.

Daspò de iscrizion efetive al secont semestri a un cors des Universitâts di Triest e dal Friûl e sarà perfezionade la assegnazion dal benefici e il versament de prime rate dal 50% dal impuart net de borse, in mût indicatîf dentri dai 30 di Avrîl dal 2026.

La seconde rate, che e corispuint al 50% che al reste dal impuart de borse, e sarà versade come indicât tal art. 23.1 e, cun riferiment ai students cun disabilitât, tal art. 26.3

Articol 17 - Impuarts

L'impuart des borsis di studi al è stât inzornât cul Decret Diretoriâl dal Ministeri de Universitât e de Ricerche n. 181 dai 28 di Fevrâr dal 2025 e culi sot si ripuartin i impuarts massims des borsis di studi:

- **€ 7.072,10** pai students **fûr di sede** e pai students **independents**;
- **€ 4.132,85** pai students **pendolârs**;
- **€ 2.850,26** pai students **in sede**.

Cun di plui, a son previodudis chescj câs particolârs:

1. Pai students piû svantazâts dal pont di viste economic, definîts tant che students cun indicadôr ISEE plui bas o compagn de metât dal limit massim di riferiment, l'impuart de borse di studi al è inçressût dal 15%.
2. Pes studentis iscritis ai cors di studi in materiis S.T.E.M., l'impuart de borse di studi al è inçressût dal 20%. Chest impuart no si pues cumulâ cu la inçressite dal 15% previodude pai students cun nivei ISEE plui bas o compagn dal 50% dal limit massim di riferiment e, duncje, la inçressite e je calcolade su la fonde dal valôr de borse che i spiete ae studente.
3. Il DM 1320/2021 al previôt che il student iscrit intal stes moment a plui cors di studi al puedi otignî e mantignî la borse di studi, inçressude dal 20%, se al à e se al manten lis carateristichis di merit previodudis di chest bant par ducj i doi i cors di studi e par dut il timp che a durin. La inçressite dal 20% no je dovude intal câs che il student al pierdi lis carateristichis pe borse di studi cun riferiment al cors di studi che a chel il student al à peade chê inçressite.

I students che a son iscrits intal stes moment a plui cors di lauree a àn di informâ la ARDIS dentri dai 30 di Març dal 2026, scrivint ae direzion ardis@certregione.fvg.it. Inte email a varan di comunicâ i cors di lauree e, par ognidun, l'Ateneu, l'an di imatricolazione e il merit. La ARDIS e fasarà ducj i controis dal câs par garantî l'eventual aument dal 20% dal impuart de borse di studi.

Ai students laureants (semestri seguitîf) e ai students iscrits al prin an fûr di cors si dâ fûr la borse di studi cul impuart smiezât.

La borse di studi e ven viersade par intîr ai students cuntun ISEE pes prestazions agevoladis pal dirit al studi universitari dal nucli familiâr inferiôr o ecivalent ai 2/3 dal limit ISEE pes prestazions agevoladis pal dirit al studi universitari specificât parsore tal art. 4.3. Tal câs che l'ISEE pes prestazions agevoladis pal dirit al studi universitari riferît al student al sedi plui alt dai 2/3 e fin al impuart massim dal limit ISEE pes prestazions agevoladis pal dirit al studi universitari, l'impuart de borse di studi al ven ridusût in maniere graduâl fin ae metât dal impuart massim de borse di studi.

Chi sot la sintesi dai impuarts des borsis di studi in relazion ai valôrs ISEE e al status dal student:

Nivel ISEE	Student fûr di sede	Student pendolâr	Student in sede
Inferiôr dal 50% dal limit massim di riferiment ($\leq \text{€ } 13.974,30$)	€ 8.132,92 (115%)	€ 4.752,78 (115%)	€ 3.277,80 (115%)
Comprendût fra il 50% e i 2/3 dal limit massim di riferiment ($\text{€ } 13.974,30 < x \leq \text{€ } 18.632,40$)	€ 7.072,10 (100%)	€ 4.132,85 (100%)	€ 2.850,26 (100%)
Superiôr ai 2/3 dal limit massim di riferiment ($> 18.632,40 \text{ €}$)	Ridusude in maniere graduâl fin ae metât (minim € 3.536,05)	Ridusude in maniere graduâl fin ae metât (minim € 2.066,43)	Ridusude in maniere graduâl fin ae metât (minim € 1.425,13)

Impuart di calcolâ cu la formule	$\text{Importo } BDS_{MAX} - \frac{\left(ISEE_S - \frac{2}{3} \text{ della soglia max ISEE} \right) \times (BDS_{MAX} - BDS_{MIN})}{\left(\text{soglia max ISEE} - \frac{2}{3} \text{ della soglia max ISEE} \right)}$ dulà che: ISEE pes prestazions pal dirit universitari = ISEE pes prestazions pal dirit universitari dal student BDS_{MAX} = impuart massim sporc de borse di studi BDS_{MIN} = impuart minim sporc de borse di studi
--	---

L'impuart de borse di studi al cjape dentri la fruizion dal servizi di lozament tes formis indicadis chi sot.

Par ducj i students beneficiaris di borse di studi che a sedin ancje assegnataris dal puest di lozament in residencis gjestidis diretementri de ARDIS, dal impuart de borse di studi al ven tratignût l'impuart forfeitari relatîf al servizi di lozament pe durade di 10 o 11 mê (par calcolâ i mê di lozament a paiament, i mê di Setembar e Otubar a vegnin calcolâts par intîr cence considerâ la date di assegnazion) daûr de tarife previodude pe tipologie di lozament assegnade, definide tal art. 36, cence tignî cont de date di assegnazion, come te tabelle chi sot:

Lozament	Tarife mensîl	Impuart tratignût par 10 mês	Impuart tratignût par 11 mês
E1, E3, Gozzi, Riçs, doplis in CampusX, Glemone, Gurize, Pordenon	200,00 €	2.000,00 €	2.200,00 €
cjase Burghart, Ex Ospedâl militâr, Pro Habitare	240,00 €	2.400,00 €	2.640,00 €
ugnulis in CampusX e cjase Burghart	290,00 €	2.900,00 €	3.190,00 €
Minilozament	320,00 €	3.200,00 €	3.520,00 €

Pai students beneficiaris di borse di studi assegnataris di puest di lozament che a rinunziin in anticip al puest di lozament stes, al sarà detrat de borse di studi l'impuart dovût pal servizi abitatîf daûr de tipologjie di lozament e de dade di timp di assegnazion efetive, calculât daûr des tarîfis mensîls ripuartadis te tabele parsore.

La borse di studi e je esente de Impueste sui redits come previodût dal articul 4 de Leç dai 13 di Avost dal 1984, n. 476 "Norme in materie di borsis di studi e dotorât di ricercje intes Universitâts".

Articul 18 - Esezion des tassîs universitariis

I students che a son risultâts idonis o beneficiaris pe borse di studi di chest bant a son **esentâts dal paiament des tassîs universitariis pal a.a. 2025/2026**.

Par informazions plui detaiadis in merit al paiament des tassîs pe sede di **Udin** si invide a cjapâ contat in maniere direte cu la **Universitât dal Friûl**, al Uffici Dirit al studi e servizis integrâts, a cheste direzion: dirittoallostudio@uniud.it

Par informazions plui detaiadis in merit al paiament des tassîs pe sede di **Triest** si invide a cjapâ contat in maniere direte cu la **Universitât di Triest**, al Uffici Dirit al studi e servizis integrâts ai students, a cheste direzion: tasse.studenti@amm.units.it

ATTENZION

I students che ur ven revocade la borse di studi, che a rinunziin ae borse di studi o che a decjadin dal benefici, a pierdin il dirit ae esezion des tassîs universitariis e duncje a àn di paiâlis se a son dovudis.

Articul 19 - Tasse regionâl pal dirit al studi universitari

La domande di partecipazion al concurs e je considerade ancje tant che istance formâl di esezion dal paiament de tasse regionâl pal dirit al studi universitari su la fonde dal art. 37 de LR n. 21 dai 14 di Novembar dal 2014. Par chest a son esentâts dal paiament de tasse i students idonis o beneficiaris de borse di studi.

ATTENZION

I students che ur ven revocade la borse di studi, che a rinunziin ae borse di studi o che a decjadin dal benefici, a pierdin il dirit ae esezion de Tasse regionâl pal dirit al studi universitari e duncje a àn di paiâ lis tassîs dovudis.
I students cun disabilitât su la fonde dal art. 5 a son dut câs esentâts dal paiament de tasse regionâl pal dirit al studi universitari.

Articul 20 - Risiervis di assegnazion

Il numar di borsis di studi che a saran dadis fûr al è determinât daûr des butadis de tasse regionâl pal dirit al studi universitari su la fonde dal art. 37 de LR n. 21 dai 14 di Novembar dal 2014, des jentradis che a rivin dal Fons di Intervent Integratîf su la fonde dal art. 18, Cjapitul IV dal decret legjislatîf n. 68 dai 29 di Març dal 2012, dal Fons di Intervent Integratîf Regionâl e de disponibilitât di fonds propis dal bilanç de ARDIS.

Lis borsis di studi e i contribûts di mobilitât dal a.a. 2025/2026 a son finanziâts, tal ambit dal PNRR, de Union Europeane - Next Generation EU. Lis borsis di studi a son ancje finanziadis tal ambit dal PR FSE+ Region intal ambit dal PR FSE+ Region Friûl-Vignesie Julie 2021-2027, prioritât 4 – Zovins.

Lis risorsis disponibilis pes borsis di studi si assegnin lant daûr di chestis risiervis di assegnazion:

- 2% ai students cun disabilitâts, daûr dal articul 5;
- 6% des borsis di studi disponibilis pai students no comunitaris.

Dopo des risiervis chi parsore e ven completade la assegnazion a ducj i students comunitaris e no comunitaris iscrîts tes graduatoriis dai agns seguitîfs al prin.

Daspò si procêt al esauriment de graduatorie dai students comunitaris iscrîts al prin an e po dopo de graduatorie dai students no comunitaris iscrîts al prin an.

Tal câs che lis risorsis finanziariis no bastedin par cuvierzi dal dut lis graduatoriis, lis risorsis a saran assegnadis in mût proporzionâl al numar di students idonis che a fasin riferiment a ognidune des sedis operativis de ARDIS.

Articul 21 – Students iscrits ae Scuele Superiôr di Udin o al Collegio Fonda

I students lozâts a titul gratuit tes residencis metudis a disposizion de Scuele Superiôr de Universitât dal Friûl e dal Collegio Fonda di Triest, no puedin beneficiâ de borse di studi te misure previodude pai students considerâts tant che fûr di sede.

Articul 22 – Graduatoriis

Lis graduatoriis provisorii des borsis di studi a son publicadis in mût indicatîf dentri dai 31 di Otubar dal 2025, lis graduatoriis definitivis a son publicadis in mût indicatîf dentri dal prin di Dicembar dal 2025 sul sît www.ardis.fvg.it

Tes graduatoriis definitivis, dome i students che a àn inserîl i dâts complets dal contrat di locazion te domande online dentri dai **21 di Otubar dal 2025** a son iscrits cul status di fûr di sede.

Ducj i students a son iscrits tes graduatoriis publicadis sul sît cul **codiç utent** tal puest dal nominatîf, in conformitât cu lis disposizions in materie di trasparenze/privacy. Chest codiç al ven assegnât a ogni student dal software vie pe compilazion de domande online e al corispuint aes **ultimis cinc cifris dal codiç "Domande"**; il codiç al reste reperibil te proprie aree risiervade tal "Sportel student" o sul file di sintesi de domande inviate.

I students a puedin verificâ il risultât des graduatoriis jentrant tai servizis online te lôr aree risiervade dal "Sportel student". Il student al è tignût a consultâ cun regolaritât la proprie aree risiervade parcè che lis comunicazions publicadis li a valin tant che notificazions a ducj i efets di leç.

Daûr des modalitâts previodudis dal art. 7 e 8 des Normis Gjenerâls, a vegnin formuladis in ordin decessint di ponts graduatoriis distintis:

- pai students comunitaris iscrits al **prin an** di ducj i cors, cjàpâts dentri i students iscrits ai Conservatoris e ae Academie;
- pai students no comunitaris iscrits al **prin an** di ducj i cors, cjàpâts dentri i students iscrits ai Conservatoris e ae Academie;
- pai students comunitaris e no comunitaris iscrits a **agns seguitîfs al prin**, spartîts par sede didatiche competente, cjàpâts dentri i students iscrits ai Conservatoris e ae Academie;
- pai students iscrits ai **cors di specializazion** gjavant chei de aree mediche su la fonde dal decret legjislatîf n. 368/1999;
- pai students iscrits ai **cors di dottorât** di ricercje, che no gjoldin de borse di studi su la fonde dal DM dai 30 di Avrîl dal 1999, n. 224;

ATTENZION

Tes **graduatoriis provisorii**, i students che a àn i recuisîts previodûts dal bant a son indicâts tant che **idonis**.

Tes **graduatoriis definitivis**, in funzion des risorsis disponibilis e des risiervis previodudis dal bant, a vegnin individuâts i students **beneficiaris** che a otegnin la borse di studi.

I eventuâi students **idonis no beneficiaris** tes graduatoriis definitivis a son i students che, ancje se a àn i recuisîts dal bant di concors, **no** otegnin la borse di studi.

Articul 23 - Paiament

La borse di studi e ven erogade **cun increditament** suntun cont corint talian (IBAN IT) o suntun propri cont forest (CODIÇ IDENTIFICATÎF DAL CONT) intestât o cointestât al student, o suntune cjarte prepaide che e vedi un IBAN IT intestade o cointestade al student.

I students a àn di inserî lis **coordenadis bancjariis** tal moment de compilazion de domande online e a podaran dopo integrâlis o cambiâlis midiant dai servizis online de ARDIS. Se si à un cont forest, si à di inserî, di là dal codiç identificatîf dal cont, ancje il codiç BIC/SWIFT, la denominazion dal istitût bancjari e ancje il Stât d dal stes. I coscj e lis cjamis bancjariis che a derivin dal increditament su conts forescj a saran contizâts al student te lôr totalitât.

ATTENZION "Limits e Plafond des Cjartis di Credit e Prepaiadis"

I limits des cjartis di credit e des cjartis prepaiais a àn plafonds di paiament e plafonds di prelevament, che a puedin variâ su la fonde des regulis sotscritis cul istitût emitent. Par chest il student al à di verificâ se il so cont corint o la sô cjarte prepaiaa a àn une capience suficiente par ricevi il paiament de borse di studi tal câs che i vegni assegnade. Si precise che il paiament de borse di studi nol pues jessi frazionât in nissune maniere.

Te domande di benefici **al à di jessi inserît, al plu tart dentri dai 10 di Novembar dal 2025, il codiç IBAN intestât o cointestât al student**; inseriments dopo di cheste date a rindaran impussibil l'increditament de borse di studi dentri dal esercizi finanziari 2025.

Si precise che la **verifiche definitive** de presince dal recusît di merit e dal calcul coret de anzianitât universitarie al ven fat prime dal paiament dal salt de borse di studi.

23.1 Students iscritti al prin an dai cors di lauree trienâi, magjistrâi e magjistrâi a cicli unic

Tacant dal a.a. 2025/2026, la cuote monetarie de borse di studi e ven dade fûr, inte misure dovude, daûr di chestis modalitâts, distintis par ogni percors academic:

- 1) Pai **students iscritti al PRIN AN DAI CORS DI LAUREE O DIPLOMIS DI PRIN NIVEL E DI LAUREE MAGJISTRÂL A CICLI UNIC**:
 - **prime rate dal 50% dal impuart net de borse dentri dai 31 di Dicembar dal 2025**, a cundizion che la iscrizione e risulti perfezionade dentri dal tiermin fissât pe presentazion des istancis di riesam cuintri de graduatorie provisorie di borse di studi;
 - **seconde rate dal restant 50% dal impuart net de borse, corispuindude dal mêis di Jugn indenat, dopo otignûts almancul 20 credits, registrâts in maniere regolâr** tal sisteme Esse3, o intes basis di dâts dai Conservatoris e de Academie **(o ben almancul 10 credits pai cors cun esams dome anuâi)** cun **date di superament no seguitive ai 10 di Avost dal 2026. L'otigniment dai credits al sarà verificât di ufici ai 30 di Avrîl dal 2026 e ai 10 di Avost dal 2026.**
- 2) Pai **students iscritti al PRIN AN DAI CORS DI LAUREE MAGJISTRÂL O DIPLOMIS DI SECONT NIVEL**:
 - **prime rate dal 50% dal impuart net de borse dentri dai 31 di Dicembar dal 2025**, in funzion de amission ai cors daûr des modalitâts previodudis dai ordenaments didatics e dal ricognossiment di almancul 150 credits;
 - **seconde rate dal 50% che al reste dal impuart net de borse di studi, corispuindude dal mêis di Jugn indenat, dopo otignûts almancul 20 credits, registrâts in maniere regolâr** tal sisteme Esse3, o intes basis di dâts dai Conservatoris e de Academie **(o ben almancul 10 credits pai cors cun esams dome anuâi)** cun **date di superament no seguitive ai 10 di Avost dal 2026. L'otigniment dai credits al sarà verificât di ufici ai 30 di Avrîl dal 2026 e ai 10 di Avost dal 2026.**

I students che a saran rivâts al recusît di merit, cun registrazion dai credits che a coventin, **dopo dai 10 di Avost ma dentri dai 30 di Novembar dal 2026**, a saran sometûts a controis di ufici cu la Universitât, i Conservatoris e la Academie pe conservazion dal impuart cjapât **tant che borse di studi** (borse di studi di impuart smiezât).

Se no si ves di rivâ a otignî i credits previodûts dentri dai 30 di Novembar dal 2026, la borse di studi e ducj chei altris beneficis monetaris (art. 25) a saran revocâts e si varà di tornâ ce che si à za ricevût come servizis.

23.2 Students iscritti a agns dopo dal prin

La cuote monetarie de borse di studi e je erogade in cheste maniere:

- **prime rate che e corrispuint al 50%** dal impuart net de borse: **dentri dai 31 di Dicembar dal 2025**, baste che la iscrizion e sedi perfezionade dentri dal tiermin fissât pe presentazion des istancis di riesam pe borse di studi e che al sedi l'IBAN;
- **seconde rate che e corrispuint al paiament complet** dal impuart net de borse di studi **dentri dai 30 di Jugn dal 2026**, dopo vê verificât di ufici la permanence dai recuisîts pai **students iscritti a agns dopo dal prin**.

Se il student al è **iscrit al prin an fûr cors** (semestri seguitîf) **e al è assegnatari di lozament**, stant che al al à dirit a un impuart de borse smiezât, al ricêf une sume dome tal câs che l'impuart de borse stesse, dopo gjavade la cuote relative al servizi di lozament di dut il timp di assegnazion, al sedi superiôr di zero. Cheste cuote e ven erogade in dôs ratis cul stes impuart.

23.2.1 Students laureants

Ai beneficiaris dal ultin an di cors, cu la cualifiche di regolâr, che inte domande online a àn declarât che a vuelin sostignî l'esam gjenerâl di lauree dentri dal ultin apel previodût pal a.a. 2024/2025, **la borse di studi ur ven erogade intune soluzion uniche dentri dal mêis di Jugn dal 2026, dome dopo la verifiche di ufici che il titul al sedi stât otignût**.

Tal câs di otigniment dal titul di lauree de bande di students assegnataris dal lozament, e sarà detrata de borse di studi la cuote dovude pal servizi abitatîf daûr de tipologie di lozament e dal periodi di assegnazion efetive. Tal câs che il lozament al sedi stât doprât par mancûl di 6 mêis, la borse e sarà rideterminade atribuint al student il status di pendolâr.

Ai students che, ancje se a àn compilade la domande tant che laureants, **no rivin a otignî il titul**, la borse di studi ur ven erogade dome dopo de iscrizion al a.a. 2025/2026 (prin an fûr cors) e dome se a àn i recuisîts previodûts tal articul 4.

I students che, a diference di ce che al previôt l'art. 3.1.1, a presentin domande tant che student iscrit a agns seguitîfs pal semestri seguitîf pal a.a. 2025/2026, ancje se si laurearan dentri de session straordinaria dal a.a. 2024/2025 e che si iscrivin al prin an di un cors di lauree magjistrâl pal a.a. 2025/2026 dentri dai tiermins fissâts des Universitâts e dai Conservatoris, a otignaran la borse di studi di impuart smiezât previodude pai students iscritti a agns seguitîfs pal semestri seguitîf.

23.3 Students iscritti al prin an dai cors di specializazion e di dottorât di ricercje

Ai students iscritti ai cors di specializazion, gjavâts chei de aree mediche su la fonde dal decret legjislatîf n. 368/1999, e ai cors di dottorât di ricercje, che no ricevin la borse di studi academiche, la prime rate de borse di studi ur sarà viersade dome dopo de **conferme de iscrizion** e la seconde rate ur sarà viersade intal mêis di **Jugn dal 2026**.

23.4 Sospension dai paiaments

Ai students iscritti tes graduatoriis definitivis cu la note: "**iscrizion universitaria di aciertâ**", la borse di studi ur sarà paiade tal esercizi finanziari 2026 dopo che la lôr iscrizion e sarà verificade.

Nol è pussibil viersâ la borse di studi a pro di students che par lôr al sedi stât rilevât un ISEE cun anotazions, diformitâts, omissions. La regolarizazion e la trasmission dal ISEE e varà di jessi fate dentri dai 31 di Zenâr dal 2026, pene la decjadence dal benefici.

La regolarizazion dai câs esponûts parsore dopo dal tiermin di presentazion des istancis di riesam e compuarte il viersament de borse di studi tal esercizi finanziari 2026.

Ai students debitôrs ae ARDIS di impuarts ricevûts cence vê dirit, ur è sospindût il paiament de borse di studi fin ae restituzion complete dal debit. I students debitôrs, che a stedin proviodint ae restituzion a ratis tal rispjet dal plan di rientri autorizât in vie preventive, a podaran domandâ la compensazion dal debit residui cu la borse di studi, se a risultin beneficiaris tal a.a. 2025/2026.

La regolarizazion dai câs esponûts parsore e compuarte il viersament de borse di studi tal esercizi finanziari 2026.

Articol 24 – Limit di cumul

Lis borsis di studi de ARDIS si puedin cumulâ cun altris borsis di studi concedudis di ents publics o privâts a cundizion che no passedin il limit di € 1.500,00.

Tal câs che il student al vedi declarât te domande online di jessi beneficiari pal an academic 2025/2026 di une altre borsa di studi di impuart superiôr a € 1.500,00, al ven iscrit te relative graduatorie tant che no idoni.

Chest limit no si apliche a borsis di studi statâls o forestis che a vedin l'obietîf di integrâ la ativitât di formazion o ricercje cun permanencis in Italie o tal forest, aes borsis di studi dai programs di mobilitât internazionâl (par esempi Erasmus+), ai contribûts pe mobilitât internazionâl erogâts de ARDIS, ai premis pes tesis di lauree e ai contribûts pal lozament. Cun di plui no si apliche ai students cun disabilitâts, daûr dal articol 5.

Articol 25 - Revoche

La borse di studi e je revocade ai students che ur sedi stât erogât il benefici in bêçs o in servizis, che si cjatin intun di chescj câs:

- iscritti pe prime volte al prin an dai cors se dentri dai 30 di Novembar dal 2026 no àn otignût almancul 20 credits (o almancul 9 credits se students cun disabilitâts su la fonde dal art. 5);
- iscritti pe prime volte al prin an di cors cun esams dome anuâi, se dentri dai 30 di Novembar dal 2026 no àn otignût almancul 10 credits;
- tal câs che a vegnin a mancjâ i recuisîts di iscrizion, merit, anzianitât universitarie, redit e patrimoni, dopo di controis di ufici o di segnalazions rivadis de Universitât o di altris Aministrazions Publichis;
- che a vedin declarât il fals o presentât documents fals o che a contegnin dâts fals;
- se a àn otignût il ricognossiment de dople iscrizion, specificât tal articol 17, pont de liste 3, la borse di studi e l'eventuâl aument a son revocats tal câs che il student al pierdedi i recuisîts descris ta chest bant, cun riferiment al cors di studi che a chel e je peade la domande de borse di studi;
- che a vessin une anzianitât universitarie che e va di là dal timp di amissibilitât ai benefici;
- che a vedin un titul di studi dal stes nivel o superiôr, ancje se otignût tal forest;
- che si trasferissin intune altre sede universitarie o che a rinunziin ai studis pal a.a. 2025/2026 prime dal prin di Lui dal 2025, ancje intal câs che a vedin otignût i credits che a coventin par mantignî il benefici su la fonde dai artt. 4.2 e 5.2.

25.1 Procediment di revoche

La ARDIS e comuniche l'inizi dal procediment di revoche de borse di studi ai students che si cjataran intune des posizions elencadis parsore. Dentri di 10 dîs de comunicazion i students a podaran inviâ eventuâls cuintrideduzions ae direzion ardis@certregione.fvg.it o midiant di une raccomandade A/R ae Aministrazion che e scrîf. Se chest tiermin al passe dibant, la ARDIS e trasmetarà al interessât il proviodiment di revoche, domandant, la restituzion de sume percepide cence vê dirit dentri di 30 dîs dal riceviment de comunicazion.

Il student al pues domandâ di paiâ a ratis la sume che al à di tornâ daûr des modalitâts fissadis tal articol 38 bis de LR n. 21/2014.

Tal câs che la restituzion no vegni fate tai tiermins, la ARDIS e procêt a recuperâ i credits daûr des modalitâts definidis de normative statâl in vore in materie di riscossion des impuestis diretis, cemût che al è previodût dal art. 50 de LR n. 7/2000.

La revoche e compuarte:

- **il recupar des sumis ricevudis cence vê dirit cun aplicazion des sanzions su la fonde dal art. 10 in câs di declarazions no veris.**
- **il paiament dal cost dal lozament gjoldût cence vê dirit.**

Tal câs che la revoche de borse di studi e sedi stade determinade de **mancjance dai recuisîts** dopo dai controis fats di ARDIS e/o midiant di segnalazions rivadis des Universitâts o di altris Aministrazions Publichis, il servizi di lozament al ven calculât ae tarife indicade tal art. 38.3 pal periodi di assegnazion.

I students dal prin an, assegnataris dal lozament, che ur ven revocade la borse di studi pal **mancjât otigniment dal recuisît di merit**, a àn di paiâ, pal timp di permanence inte Cjase dal Student, lis retis previodudis dal art. 36 pai students assegnataris che no gjoldin di une borse di studi.

Ai students che si trasferissin intune altre sede universitarie o che a rinunziin ai studis pal a.a. 2025/2026 prime dal 1ⁿ di Lui dal 2026, il servizi di lozament ur ven calculât ae tarife indicate tal art. 36 pal periodi di assegnazion.

ATENZION

Tal câs di revoche de borse di studi, i students a varan no dome di rimborsâ l'impuart za dât fûr, ancje in forme di servizi abitatîf, ma ancje la tasse regionâl pal dirit al studi universitari e paiâ dut l'impuart che al corrispuint aes tassis e ai contribûts universitaris, tornant la eventuâl sume vude de Universitât o de ARDIS tant che rimbors.

Articul 26 - Students cun disabilitât (su la fonde dal articul 3 de leç dai 5 di Fevrâr dal 1992, n. 104, o cun invaliditât pari o superiôr al 66%)

26.1 Impuart

L'impuart des borsis di studi al è stât inzornât cul Decret Diretoriâl dal Ministeri de Universitât e de Ricerche n. 181 dai 28 di Fevrâr dal 2025 e cul sot si ripartin i impuarts massims des borsis di studi:

- **€ 9.193,73** pai students **fûr di sede** e pai students **indipendents**;
- **€ 5.372,70** pai students **pendolârs**;
- **€ 3.705,34** pai students **in sede**.

La borse di studi e ven viersade tal impuart massim indicât parsore ai students cuntun ISEE pes prestazions agevoladis pal dirit al studi universitari dal nucli familiâr inferiôr o ecuivalent ai 2/3 dal limit ISEE pes prestazions agevoladis pal dirit al studi universitari specificât parsore tal art. 5.3. Tal câs che l'ISEE pes prestazions agevoladis pal dirit al studi universitari riferît al student al sedi plui alt dai 2/3 e fin al impuart massim dal limit ISEE pes prestazions agevoladis pal dirit al studi universitari, l'impuart de borse di studi al ven ridusût in maniere graduâl fin ae metât dal impuart massim de borse di studi.

Impuart de borse di studi di calculâ cu la formule	$\text{Importo } BDS_{MAX} - \frac{\left(ISEE_S - \frac{2}{3} \text{ della soglia max ISEE} \right) \times (BDS_{MAX} - BDS_{MIN})}{\left(\text{soglia max ISEE} - \frac{2}{3} \text{ della soglia max ISEE} \right)}$ dulà che: ISEE pes prestazions pal dirit universitari = ISEE pes prestazions pal dirit universitari dal student BDSBDSMAX = impuart massim sporc de borse di studi BDSBDSMIN = impuart minim sporc de borse di studi
--	--

L'impuart de borse di studi al cjape dentri la fruizion dal servizi di lozament tes formis indicadis chi sot.

Par ducj i students beneficiaris di borse di studi che a sedin ancje assegnataris dal lozament in residencis gjestidis de ARDIS in mût diret, l'impuart de borse di studi al è ridusût in maniere forfetarie di 10 o 11 mês daûr de tarife previodude pe tipologie di lozament assegnade, cemût che al è specificât tal art. 36, cence tignî cont de date di assegnazion.

26.2 Students laureants

Tal câs di otigniment dal titul di laurea de bande di students assegnataris dal lozament, e sarà detrarre de borse di studi la cuote dovude pal servizi abitatîf daûr de tipologie di lozament e dal periodi di assegnazion efetive. Tal câs che il lozament al sedi stât doprât par mancun di 6 mês, la borse e sarà rideterminade atribuint al student il status di pendolâr.

La borse di studi e je esente de Impueste sui redits cemût che al previôt l'articul 4 de Leç dai 13 di Avost 1984, n. 476 "Norme in materie di borsis di studi e dotorât di ricercje intes Universitâts".

26.3 Paiament

Tacant cul a.a. 2025/2026, la cuote monetarie de borse di studi e ven dade fûr, inte misure dovude, daûr di chestis modalitâts, distintis par ogni percors academic:

1) Pai **students iscritti al PRIN AN DAI CORS DI LAUREE O DIPLOMIS DI PRIN NIVEL E DI LAUREE MAGISTRÂL A CICLI UNIC:**

- **prime rate dal 50% dal impuart net de borse dentri dai 31 di Dicembar dal 2025**, a cundizion che la iscrizion e risulti perfezionade dentri dal tiermin fissât pe presentazion des istancis di riesam cuintri de graduatorie provisorie di borse di studi;
- **seconde rate dal 50% che al reste dal impuart net de borse, corispuindude tacant dal mêis di Jugn dopo otignûts almancul 9 credits, registrâts in maniere regolâr tal sisteme Esse3, o intes basis di dâts dai Conservatoris e de Academie cun date di superament no seguitive ai 10 di Avost dal 2026. L'otigniment dai credits al sarâ verificât di ufici ai 30 di Avrîl dal 2026 e ai 10 di Avost dal 2026.**

2) Pai **students iscritti al PRIN AN DAI CORS DI LAUREE MAGISTRÂL O DIPLOMIS DI SECONT NIVEL:**

- **prime rate dal 50% dal impuart net de borse dentri dai 31 di Dicembar dal 2025**, in funzion de amission ai cors daûr des modalitâts previodudis dai ordenaments didactics e dal ricognossiment di almancul 150 credits;
- **seconde rate dal 50% che al reste dal impuart net de borse, corispuindude tacant dal mêis di Jugn dopo otignûts almancul 9 credits, registrâts in maniere regolâr tal sisteme Esse3, o intes basis di dâts dai Conservatoris e de Academie cun date di superament no seguitive ai 10 di Avost dal 2026. L'otigniment dai credits al sarâ verificât di ufici ai 30 di Avrîl dal 2026 e ai 10 di Avost dal 2026.**
-

I students che a saran rivâts al recusît di merit, cun registrazion dai credits che a coventin, **dopo dai 10 di Avost ma dentri dai 30 di Novembar dal 2026**, a saran sometûts a controis di ufici cu la Universitât, i Conservatoris e la Academie pe conservazion dal impuart cjapât **tant che borse di studi** (borse di studi di impuart smiezât).

Se no si ves di rivâ a otignî i credits previodûts dentri dai 30 di Novembar dal 2026, la borse di studi e ducj chei altris beneficis monetaris (art. 25) a saran revocâts e si varâ di tornâ ce che si à za ricevût .

Ai **students iscritti a agns seguitîfs al prin**, la cuote monetarie de borse di studi ur è erogade in cheste maniere:

- **prime rate che e corispuint al 50% dal impuart net de borse: dentri dai 31 di Dicembar dal 2025**, baste che la iscrizion e sedi perfezionade dentri dal tiermin fissât pe presentazion des istancis di riesam pe borse di studi;
- **seconde rate che e corispuint al paiement complet dal impuart net de borse di studi dentri dai 30 di Jugn dal 2026**, dopo vê verificât di ufici la permanence dai recusîts.

Se il student al è **iscrit al secont an fûr cors** (semestri seguitîf) **e al è assegnatari di lozament**, stant che al à dirit a un impuart de borse smiezât, al ricêf une sume dome tal câs che l'impuart de borse stesse, dopo gjavade la cuote relative al servizi di lozament di dut il timp di assegnazion, al sedi superiôr di zero. Cheste cuote e ven erogade in dôs ratis cul stes impuart.

Ai students dal ultin an di cors, cu la cualifiche di regolâr, che a vuelin sostignî l'esam gjenerâl di lauree dentri dal ultin apel previodût pal a.a. 2024/2025, la borse di studi ur ven erogade intune **soluzion uniche dentri dal mêis di Jugn dal 2026, dome dopo la verifiche che il titul al sedi stât otignût.**

Articol 26,4 – Limit di cumul

Il limit di cumul de borse di studi de ARDIS cun altris borsis di studi, viodi l'art. 24, nol vâl pai students cun disabilitât.

26.5 Revoche

Ai students cun disabilitât si aplicin lis cundizions di revoche dal art. 25.

26.6 - Tasse regionâl pal dirit al studi universitari

I students cun disabilitât a son dut cûs esentâts dal paiament de tasse.

Lozaments

Scjadince pe presentazion des domandis per matriculis comunitariis e no comunitariis:

martars ai 27 di Avost dal 2025
aes 13:00 (ore estive
taliane/GMT+2/UTC+2/CEST)

Scjadince pe presentazion des domandis pai agns seguitîfs:

martars ai 29 di Lui dal 2025
aes 13:00 (ore estive
taliane/GMT+2/UTC+2/CEST)

Articul 27 - Lozaments a concors

ATENZION

I students beneficiaris dal servizi di lozament a àn drit a un puest di lozament **assegnat di ufici** cun valutazion relative ae miôr organizazion dal servizi, tignint cont dai puescj a disposizion, de sede dai studis di chei che a fasin domande, dal principi di no promiscuitât di gjenar, de posizion in graduatorie e, dulà che al è pussibil, des preferencis indicadis dal student te domande online.

I beneficiaris di puest di lozament, comunitaris, no comunitaris e students independents, no puedin fissâ la lôr residence tes cjasis dal student, pene la decjadence dal benefici.

No puedin otignî la assegnazion di un lozament i students che a vedin une età superiôr a 35 agns ae date di scjadince de domande dal relatîf benefici.

Par garantî la sigurece dai students e la miôr eficiencie dal servizi di lozament, la ARDIS si riserve la pussibilitât di fâ trasferiments di ufici te stesse o intune altre cjase dal student.

27.1 PUESCJ DI LOZAMENT PE SEDE DI TRIEST

I lozaments a disposizion **a son 654**, dividûts in cheste maniere:

- **605 puescj** intes Cjasis dal Student di Triest
(n. **73** intal edifici E1, n. **179** intal edifici E3, 30 di chei a son minilozaments, n. **98** intal edifici di vie Gaspare Gozzi, **164** tal ex Ospedâl Militâr, n. **91** intal Campus X);
- **44 puescj** inte Cjase dal Student di Gurize (Palaç De Bassa);
- **5 puescj** inte Cjase dal Student di Pordenon

Vie pal an academic, l'edifici E3 al sarà interessât di lavôrs pe realizazion dal capot termic che no compuartaran la diminuzion dai puescj jet. I lozaments te residence dal Campus X a saran assegnâts cun prioritât ai students iscris ai agns di cors seguitîfs al prin, invezit i lozaments ta l' Ex Ospedâl Militâr a saran assegnâts cun prioritât ai students iscris ai cors dal prin an de Universitât di Triest. Cuant che lis dibisugnis dai students dal prin an de Universitât di Triest a saran sodisfatis, i lozaments a vegnin assegnâts a altris students dal prin an.

27.1.2 Prioritât te assegnazion

A puedin domandâ la assegnazion di un puest te Cjase dal Student di Vie Gaspare Gozzi dome i iscrits a:

- Conservatori G. Tartini;
- Sezion di Studis di Lenghis Modernis par Interpretis e Tradutôrs;
- Siencis medichis, chirurgjichis e de salût;
- Siencis infermieristichis.

Dome i students iscrits ai cors dal prin an de Universitât di Triest menzonâts tal articul 2 di chest Bant a puedin fâ domande par un lozament ta Cjase dai Students ex Ospedâl Militâr.

27.1.3 Triest - Cjasis dal Student (E1, E3)

I puecj a son assegnâts in cheste maniere:

- **234 puecj** ai students iscrits a agns di cors seguitîfs al prin;
- **13 puecj** ai students comunitaris iscrits pe prime volte al prin an di cors;
- **5 puecj** ai students no comunitaris iscrits pe prime volte al prin an di cors.

N. 30 dai puecj elencâts parsore a son mini lozaments e n. 1 di chescj al è furnît par students cun disabilitât su la fonde dal art. 5.

Fra i puecj indicâts parsore n. 9 puecj a son furnîts par students cun disabilitât su la fonde dal art. 5: n. 4 puecj tal edifici E1, n. 5 puecj tal edifici E3. Chescj puecj a son assegnâts cence tignî cont dal Comun di residence. Dut câs a son escludûts i residents tal Comun di Triest.

27.1.4 - Cjase dal student di vie Gaspare Gozzi

I puecj a son assegnâts in cheste maniere:

- **80 puecj** ai students iscrits a agns di cors seguitîfs al prin;
- **15 puecj** ai students comunitaris iscrits pe prime volte al prin an di cors;
- **3 puecj** ai students no comunitaris iscrits pe prime volte al prin an di cors.

Fra i puecj indicâts parsore n. 8 a son furnîts par students cun disabilitât su la fonde dal art. 5. I puecj a son assegnâts cence considerâ il Comun di residence. Dut câs a son escludûts i residents tal Comun di Triest.

27.1.5 Triest - Ex Ospedâl Militâr

I puecj a son assegnâts in cheste maniere:

- **154 puecj** ai students comunitaris iscrits pe prime volte al prin an di cors;
- **10 puecj** ai students no comunitaris iscrits pe prime volte al prin an di cors.

Fra i puecj indicâts parsore, n. 13 puecj in stanzie dople a son destinâts in vie prioritare a students cun disabilitât su la fonde dal art. 5. Chescj puecj a son assegnâts cence considerâ il Comun di residence. Dut câs a son escludûts i residents tal Comun di Triest.

27.1.6 Campus X

I n. 91 puecj te residence Campus X di Triest a son assegnâts in vie prioritare ai students iscrits a agns seguitîfs al prin.

27.1.7 Gurize

I puecj a son assegnâts, al net des risiervis su la fonde dal art. 29, in cheste maniere:

- **30 puecj** ai students iscrits a agns di cors seguitîfs al prin;
- **13 puecj** ai students comunitaris iscrits pe prime volte al prin an di cors;
- **1 puest** ai students no comunitaris iscrits pe prime volte al prin an di cors.

Fra i puestcj indicâts parsore n. 1 al è furnît par students cun disabilitât su la fonde dal art. 5. Il puest al è assegnât cence considerâ il Comun di residence. Dut cês a son escludûts i residents tal Comun di Gurize.

27.1.8 Pordenon

I puestcj a son assegnâts in cheste maniere:

- **3 puestcj** ai students iscris a agns di cors seguitîfs al prin;
- **1 puest** ai students comunitaris iscris pe prime volte al prin an di cors;
- **1 puest** ai students no comunitaris iscris pe prime volte al prin an di cors.

Se i puestcj no vessin di jessi assegnâts a students iscris ae Universitât di Triest, a saran metûts a disposizion dai students de sede operative di Udin.

27.2 PUESCJ DI LOZAMENT PE SEDE DI UDIN

I lozaments disponibii **a son 414**, dividûts in cheste maniere:

- **89 puestcj** inte Cjase dal Student di Udin, sede scientifiche dai Riçs;
- **81 puestcj** inte Cjase Burghart
- **60 puestcj** inte Cjase dal Student Pro Habitare
- **46 puestcj** inte Cjase dal Student di Gurize (Palaç De Bassa);
- **72 puestcj** inte Cjase dal Student di Pordenon;
- **66 puestcj** inte Cjase dal Student di Glemone;

27.2.1 Udin - Sede scientifiche dai Riçs

I puestcj a son assegnâts in cheste maniere:

- **52 puestcj** ai students iscris a agns di cors seguitîfs al prin;
- **34 puestcj** ai students comunitaris iscris pe prime volte al prin an di cors;
- **3 puestcj** ai students no comunitaris iscris pe prime volte al prin an di cors.

N. 2 puestcj indicâts parsore a son mini lozaments.

Fra chei indicâts parsore **n. 7 puestcj** a son furnîts par students cun disabilitât su la fonde dal art. 5. I puestcj a son assegnâts cence considerâ il Comun di residence. Dut cês a son escludûts i residents tal Comun di Udin.

27.2.2 Udin - Cjase Burghart

I puestcj a son assegnâts in cheste maniere:

- **44 puestcj** ai students iscris a agns di cors seguitîfs al prin;
- **33 puestcj** ai students comunitaris iscris pe prime volte al prin an di cors;
- **4 puestcj** ai students no comunitaris iscris pe prime volte al prin an di cors.

Fra chei indicâts parsore a son **n. 2 puestcj** furnîts di assegnâ in vie prioritare a students cun disabilitât su la fonde dal art. 5. I puestcj a son assegnâts cence considerâ il Comun di residence. Dut cês a son escludûts i residents tal Comun di Udin.

27.2.3 Udin - Pro Habitare

I 60 puestcj te residence Pro Habitare a saran assegnâts in vie prioritare ai students iscris a agns seguitîfs al prin.

27.2.4 Gurize

I puestcj a son assegnâts in cheste maniere:

- **31 puecj** ai students iscrits a agns di cors seguitîfs al prin;
- **14 puecj** ai students comunitaris iscrits pe prime volte al prin an di cors;
- **1 puest** ai students no comunitaris iscrits pe prime volte al prin an di cors.

Fra chei indicâts parsore **n. 1 puest** al è furnît par students cun disabilitât daûr dal art. 5. Il puest al è assegnât cence considerâ il Comun di residence. Dut câs a son escludûts i residents tal Comun di Gurize.

27.2.5 Pordenon

I puecj a son assegnâts in cheste maniere:

- **47 puecj** ai students iscrits a agns di cors seguitîfs al prin;
- **23 puecj** ai students comunitaris iscrits pe prime volte al prin an di cors;
- **2 puecj** ai students no comunitaris iscrits pe prime volte al prin an di cors.

Fra chei indicâts parsore **n. 4 puecj** a son furnîts par students cun disabilitât su la fonde dal art. 5. I puecj a son assegnâts cence considerâ il Comun di residence. Dut câs a son escludûts i residents tal Comun di Pordenon.

27.2.6 Glemone

I puecj a son assegnâts in cheste maniere:

- **44 puecj** ai students iscrits a agns di cors seguitîfs al prin;
- **20 puecj** ai students comunitaris iscrits pe prime volte al prin an di cors;
- **2 puecj** ai students no comunitaris iscrits al prin an di cors pe sede di Glemone.

Fra chei indicâts parsore **n. 2 puecj** a son furnîts par students cun disabilitât su la fonde dal art. 5. I puecj a son assegnâts cence considerâ il Comun di residence. Dut câs a son escludûts i residents tal Comun di Glemone.

27.2.7 Students cun disabilitât

Ogni sede e à puecj furnîts par students cun disabilitât. I students disabii su la fonde dal art. 5, idonis tes graduatorii dai lozaments, a saran assegnataris prioritari des unitâts abitativis dedicadis, fin che no saran esauridis.

Tal câs che chescj puecj no vessin di jessi atribuîts, a saran assegnâts ai students in graduatorie.

Articul 28 - Requisîts specifics

In plui dai requisîts di iscrizion, merit, redit e patrimoni fissâts intes normis gjenerâls, i students che a vuelin domandâ di lozâ tes Cjasis dal Student de ARDIS **a àn di jessi a stâ intun dai comuns considerâts tant che fûr di sede in relacion ae sede dal propri cors di studis**, daûr di ce che al è fissât intal articul 16 di chest bant e inte zonte 1.

I students cun disabilitât daûr dal art. 5 a puedin istès fâ domande pal lozament, baste che no sedin residents tal comun sede dal cors di studis che a frecuentin.

Articul 29 - Modalitâts di assegnazion

A saran risiervâts:

- n. 2 puecj, n. 1 pe sede di Triest e n. 1 pe sede di Udin, par students fûr di sede cun pôcs o nissun mieç, iscrits ai cors daûr dal art. 2, che a davuelzin ativitât sportive di alt nivel, cemût che al è definît tal protocol di intese tra MIUR, CRUI, CONI, CIP, CUSI e ANDISU n. 68 dai 12/12/2016.

Il 30% dai puecj no risiervâts al è assegnât a students comunitaris iscrits al prin an di ducj i cors.

Il 3% dai puestcj no risiervâts al è assegnât a students no comunitaris iscrits al prin an di ducj i cors, garantint almancul un puest par ogni graduatorie. No plui dal 20% dai students extracomunitaris che a àn drit al puest vignî dal stes Paîs, fûr che in câs di esauriment de graduatorie, garantint almancul 1 puest par ogni graduatorie.

Ducj i lozaments, al net des risiervis indicadis parsore, a son assegnâts ai students iscrits a agns seguitîfs.

In plui dai puestcj furnîts pai students cun disabilitât, puestcj in plui a son in ogni câs assegnâts in vie prioritare ai students cun disabilitât daûr dal art. 5 che a sedin risultâts idonis in graduatorie.

E ven garantide une cuote minime di lozaments dal 10% a pro dai students no comunitaris.

La uniche deroghe al principi di no promiscuitât di gjenar e je rapresentade di domandis di parincj di sanc, che a podaran jessi valutadis tai mêis seguitîfs ae assegnazion.

Articol 30 – Datis indicativis di amission pai students cui recuisîts di redit e merit

Residencis	Students	Amission (date indicative)
Triest	Agnis seguitîfs	Dai 4 di Setembar dal 2025
	Matriculis	Dai 2 di Otubar dal 2025
Udin	Agnis seguitîfs	Dai 4 di Setembar dal 2025
	Matriculis	Dai 2 di Otubar dal 2025
Glemone	Agnis seguitîfs	Dai 6 di Otubar dal 2025
	Matriculis	Dai 6 di Otubar dal 2025
Gurize	Agnis seguitîfs	Dai 4 di Setembar dal 2025
	Matriculis	Dai 2 di Otubar dal 2025
Pordenon	Agnis seguitîfs	Dai 4 di Setembar dal 2025
	Matriculis	Dai 2 di Otubar dal 2025

Articol 31 – Graduatoriis

Lis graduatorii a son metudis adun su la fonde di ce che al previôt l'art. 7 des Normis gjenerâls. Lis graduatorii provisoriis e definitivis a son diferentis par ogni scjadince.

I students che a vessin subît misuris di espulsion a saran iscrits te graduatorie tant che no idonis.

Ducj i students a son iscrits te graduatorie publicade sul sît www.ardis.fvg.it **cul codiç utent** invezit che cun non e cognon, par rispietâ i oblics in materie di trasparenza/privacy. Al è pussibil cjatâ chest codiç, assegnât a ogni student dal software intant de compilazion de domande online, te proprie aree risiervade dal "Sportel student" o sul file di sintesi de domande: il codiç utent al è formât des **ultimis cinc cifris dal codiç "Domande"**.

Acedint ai servizis online dal sît, inte proprie aree risiervade clamade "Sportel student", i students a puedin verificâ l'esit des graduatoriis; cun di plui i beneficiaris a puedin visualizâ ancje la residence universitaria, la stanzie che ur è stade assegnade e la date di assegnazion.

Ducj i students risultâts beneficiaris che, cun cualsisedi titul, no puedin cjapâ possès dal lozament assegnât inte date ripuartade te lôr aree risiervade online dal "Sportel student" a varan di inviâ ae direzion alloggi.trieste@ardis.fvg.it o alloggi.udine@ardis.fvg.it daûr de sede di riferiment, o cun altre modalitât che e sarâ publicade sul sît de ARDIS, il **modul di amission posticipade disponibil sul sît de ARDIS, adun cu la atestazion di versament dal dipuesit de cauzion (obbligatorie) daûr dal art. 35, cence ecezions dentri de zornade di amission previodude dal calendari. I moduli di amission posticipade cence atestazion di versament dal dipuesit de cauzion no saran cjapâts in considerazion.**

I students che no si presentin par cjapâ possès dal lozament tai dîs e tai oraris fissâts e che no presentin il **modul di amission posticipade, dentri de di di amission previodude dal calendari**, a son declarâts decjadûts dal benefici dal lozament.

I puescj restâts disponibii dopo de assegnazion ai beneficiaris, in câs di rinunzie compilade online te proprie aree risiervade dal "Sportel student" o in câs di decjadence, a saran assegnâts ai idonis in posizion utile tes lôr graduatoriis, lant jù tes listis daûr des modalitâts che a saran publicadis sul sît www.ardis.fvg.it.

Il scoriment pront des graduatoriis al è prioritari, par chest, ancje se par vie di rinunziis o di decjadencis al ves di liberâsi un puest che al jere stât indicât tant che preferît dal student, nol sarâ pussibil fâ cambis di stanzie.

Ae fin dai scoriments che a tocjin i students iscrits a agns seguitîfs al prin, i eventuâi puescj no assegnâts a podaran jessi metûts a disposizion des matriculis.

ATTENZION

Tes **graduatoriis provisorii** i students che a àn i recusîts previodûts dal bant a son indicâts tant che **idonis**. Intes **graduatoriis definitivis**, in funzion dai puescj a disposizion, a vegnin individuâts i students **beneficiaris**, che a otegnin il puest.

I eventuâi students **idonis no beneficiaris** tes graduatoriis definitivis a son i students che, ancje se a àn i recusîts dal bant di concors, **no** otegnin il lozament, fûr che tal câs di scoriments des graduatoriis.

31.1 Students iscrits a agns dopo dal prin

La graduatorie provisorie dai lozaments pai students iscrits a agns dopo dal prin e sarâ publicade tal sît www.ardis.fvg.it **in maniere indicative dentri dai 8 di Avost dal 2025.**

A vignaran prontadis, par ogni sede universitaria e in ordin decressint di ponts, chestis graduatoriis:

- pai students iscrits ai agns dopo dal prin di dutis lis areis/sedis didatichis competentis, cjapâts dentri i students iscrits al Conservatori e ae Academie di Bielis Arts (pe sede di Udin) e ai ITS Academy;
- pai students iscrits ai cors di specializazion gjavâts chei de aree mediche su la fonde dal decret legislatîf n. 368/1999;
- pai students iscrits ai cors di dottorât di ricercje, che no gjoldin de borse di studi su la fonde dal DM dai 30 di Avrîl dal 1999, n. 224;
- pai students cun disabilitât, daûr dal articul 5.

I students che a presentin domande tant che iscrits a agns dopo dal prin pal semestri seguitîf, tal câs che a otegnin il titul dentri de session straordinaria dal a.a. 2024/2025 e che po si notin al prin an de laurea magjistrâl pal a.a. 2025/2026, dentri dai tiermins fissâts de Universitât e dal Conservatori, a otignaran in ogni câs il puest di lozament dome fin al otigniment dal titul trienâl.

Par ce che al tocje eventuâls istancis di riesam, si à di fâ riferiment al art. 9 di chest bant.

31.2 Students iscrits al prin an

La graduatorie provisorie dai lozaments pai students iscrits a agns dopo dal prin e je publicade tal sît www.ardis.fvg.it **in maniere indicative dentri dai 16 di Setembar dal 2025.**

A vignaran prontadis, par ogni sede universitaria e in ordin decressint di ponts, chestis graduatoriis:

- pai students comunitaris iscrits pe prime volte al prin an di cors;
- pai students no comunitaris iscrits pe prime volte al prin an di cors;
- pai students cun disabilitât iscrits pe prime volte al prin an di cors;

Par pussibilis istancis di riesam, si à di fâ riferiment al art. 9 di chest bant.

I students che a presentin la domande tant che matriculis di magjistrâl, se no vessin di otignî il titul trienâl dentri de session straordenarie dal a.a. 2024/2025, se no àn i recusisîts previodûts pal a.a. 2024/2025 pal semestri seguitîf, a subissin la revoche su la fonde dal art. 37.

Articul 32 – Amissions

Lis amissions dai students beneficiaris di lozament si davuelzin daûr di un calendari che al previôt la convocazion a scaions in plui zornadis dai assegnataris tes residencis di assegnazion. In ocasion de publicazion de graduatorie definitive dal lozament, al student i ven comunicât te sezion "Esit graduatoriis" inte sô aree risiervade denominade "Sportel student" la zornade e l'orari par presentâsi te Cjase dal Student assegnade. Eventuâls variacions di datis, leadis a motîfs organizatîfs, a vignaran publicadis par timp tal sît www.ardis.fvg.it e ancje inte aree risiervade dal "Sportel student".

I students **beneficiaris in graduatorie** a varan di presentâsi te zornade di amission che ur è stade comunicade te lôr aree risiervade, clamade "Sportel student", puartant cun se cheste documentazion:

1. **la fotocopia di un document di ricognossiment valit che si puedi lei ben** (acompagnade dal document in originâl). Il student **no comunitari al varà di presentâsi cul passepuart o cuntun altri** document di identitât ricognossût;
2. **copie fotostatiche dal permès di permanence e de ricevude postâl che e ateste la presentazion de domande di rinovament (se al è scjadût) o ben copie dal vistât par studi dât fûr de rappresentance diplomatiche taliane tal Paîs di residence (tal câs di prin ingrès in Italie) e de ricevude postâl che e ateste la presentazion de richieste di emission, in chescj câs al reste dut câs l'oblic di presentâ la copie fotostatiche dal document a pene che al ven dât fûr des autoritâts competentis; (pai students extracomunitaris)**
3. **la atestazion di paiament de cauzion, daûr dal art. 35;**
4. **une fototessere.**

La mancjade presentazion dai documents dai ponts 1, 2 e 3 no permet di acedi al lozament.

Al moment de amission, il student al firme l'at di acetazion dal lozament e al declare di vê let i regolaments pal ûs dal servizi e di impegnâsi a rispietâ in maniere scrupolose dutis lis normis specificadis.

Il student in mobilitât *outgoing* te date di convocazion al varà di compilâ la sezion di pueste tal modul di amission posticipade. In chel câs, il lozament al restarà risiervât fin ae fin de mobilitât.

ATTENZION Si precise che la mancjade presentazion inte zornade de assegnazion, cence justificazion dentri de stesse dî, o ben la mancjade presentazion dal modul di amission posticipade dentri de date di assegnazion, e compuarte la decjadence automatiche e irrevocabile dal benefici.

La mancjade acetazion dal puest assegnât di ufici de ARDIS e compuarte la rinunzie al benefici pal an academic di riferiment.

I students assegnataris di un lozament pal a.a. 2025/2026, tal câs di assegnazion cul modul di amission **posticipade**, a àn di presentâsi, fûr che tai câs di fuarce maiôr, li de portinarie de Cjase dal Student assegnade **dentri di 30 dîs** de date di amission fissade par sotscrivi l'at di acetazion dal lozament e la documentazion relative, **se no a pierdaran il dirit al benefici. In chel câs, il student al varà di paiâ la rete dal lozament pe dade di timp che chel spazi i è stât risiervât e la ARDIS e podarà stratignî la relative cauzion par cuvierzi dal dut o in part la cifre che i spiете.** Lis situacions di impediment a àn di jessi comunicadis in maniere pronte ae direzion email: alloggi.trieste@ardis.fvg.it o alloggi.udine@ardis.fvg.it in base ae sede de ARDIS di riferiment.

Il student al è assegnataris dal lozament pal a.a. 2025/2026 **de date di amission fissade in chest bant fin ai 31 di Lui dal 2026** (si à di lassà il lozament dentri des 9.00 dal 1ⁿ di Avost dal 2026).

I students a providin, in propri, di procurâsi la massarie che ur covente par doprâ la cusine.

Ducj i students lozâts tes Cjasis dal Student a son tignûts a partecipâ ai incuintris promovûts e organizâts de ARDIS.

In riferiment aes normis in vore in materie di sigurece, la ARDIS e individuarà tra i students assegnataris di lozament un numar adeguât di personis che a varan la incarghe di **Assegnât ae Gjestion de Emergence**.

I students beneficiaris di lozament, cu la assegnazion dal stes, a cjapin l'oblic di frecuentâ par intîr i **cors di formazion pai incargâts des ativitâts di Gjestion des Emergençis in materie di Prin Socors e in materie di Prevenzion e Protezion Antincendi cun risi mezan** che si tignaran in mût indicatîf vie pal mêis di Novembar e che a permetaran di meti adun lis scuadris di assegnâts ae Gjestion des Emergençis. Ai cors a parteciparan i students che si proponaran tant che voluntaris o, tal câs che il numar di students voluntaris nol ves di jessi sufficient, la ARDIS e providarà di ufici a nomenâ i students tignûts a partecipâ a chescj cors. Par chest, ducj i assegnataris a varan di metisi a disposizion par davuelzi cheste incarghe; al è compit de ARDIS furnî lis informazions e la formazion che a coventin par puartâle indenant, in plui che i imprescj adats.

Ducj i students assegnataris di lozament a àn di partecipâ ai incuintris informatîfs che la ARDIS e podarès inmaneâ in funzion dal conferiment in maniere corete des scovacis.

La mancjade partecipazion ai incuintris specificâts, cence une justificazion valide, e compuartarà la aplicazion dal riclam scrit de bande dal Diretôr Gjenerâl.

ATENZION

I students che a àn presentât domande di beneficis tant che students iscrits al prin an che a son risultâts assegnataris di lozament te Cjase dal Student, a àn di **comunicâ subit** ae direzion email: alloggi.trieste@ardis.fvg.it o alloggi.udine@ardis.fvg.it, daûr de sede di riferiment, il mancjât superament di eventuâi test di ingrès e **la rinunzie al lozament** in câs di mancjade iscrizion al cors di lauree. In chest câs si à di doprâ il modul previodût dal art. 33 di chest Bant. Chescj students a son tignûts in ogni câs a paiâ la rete pal periodi di assegnazion dal lozament, cence tignî cont di trop timp che lu àn doprât.

I students che tal moment de amission a vedin un debit cu la ARDIS par retis di lozament o impuarts di tornâ, a son sospindûts dal benefici fin ae restituzion complete dal debit, fûr che tal câs che a sedin daûr a tornâlu in maniere rateizade, tal rispiet dal plan di paiament fat bon in vie preventive.

Inte stesse maniere, no puedin vê la assegnazion dal lozament chei students che no àn tornât dut ce che ur è stât domandât par dams fats tes cjasis dal student o par puliziis straordenariis che par chês a son responsabii.

Articul 33 - Rinunziis

I students assegnataris, par rinunziâ in maniere irevocabile al lozament a àn di comunicâlu ae ARDIS, inviant il modul di pueste che si cjate sul sît www.ardis.fvg.it ae direzion alloggi.trieste@ardis.fvg.it o alloggi.udine@ardis daûr de sede di riferiment, **cuntun preavîs di almancul 15 dîs rispiet ae date di decorence de rinunzie.**

La rinunzie e deveente efetive de date specificade tal modul e in ogni câs no prime di 15 dîs de comunicazion.

Fin ae date di eficacie de rinunzie il student lozât tes Cjasis dal Student al è tignût a paiâ lis relativis retis, midiant viersament dal impuart dovût o, se al è borsist, midiant detrazion de borse.

Se la decorence de rinunzie e je seguitive ai 15 dal mêis di riferiment, i students che a rinunziin in maniere irevocabile al lozament a scuegnin a paiâ dut l'impuart mensîl de rete. Se la date di decorence de rinunzie e cole dentri dal 15 dal mêis di riferiment, i students a scuegnin paiâ la metât dal impuart mensîl de rete. La stratignude des retis de borse di studi e sarà calcolade inte stesse maniere.

ATENZION

Dome par ce che al tocje la rinunzie al lozament de bande dai students iscrits a agns seguitîfs, pal mêś di Lui, la comunicazion de rinunzie, ancje in câś di lauree, e à di rivâ **dentri dai 15 di Mai dal 2026**. In câś contrari e sarâ aplicade la stratignude pal lozament specificade chi sot, tal art. 36 e relative a 11 mêś.

I students che vie pal an academic a otegnin il titul di lauree completant il lôr cicli di studis, a rinunziin ai studis o si trasferissin intune altre sede universitarie, **a àn di lassâ il lozament dentri dai tiermins e daûr des modalitâts previodudis tal Regolamento unic pe fruizion dal servizi di lozament tes cjasis dal student**, comunicant ae ARDIS la date di rinunzie irevocabile al lozament. Cheste comunicazion e à di jessi fate **dentri dai 15 dîs precedents ae date di decorence de rinunzie**, inviant il modul a disposizion sul sît www.ardis.fvg.it ae direzion alloggi.trieste@ardis.fvg.it o alloggi.udine@ardis.fvg.it daûr de sede di riferiment.

Articul 34 - Sieradure des Cjasis dal Student

Vie pal periodi di Nadâl lis Cjasis dal Student di Pordenon e Gurize a restaran sieradis, la Cjase di Glemone e restarâ sierade tal periodi jenfri i 23 di Dicembar dal 2025 e i 7 di Zenâr dal 2026. E reste ferme la pussibilitât di valutâ la assegnazion intune altre strutture di lozaments pai students assegnataris meritevui, cun pôcs o cence mieçs, che a àn residence fûr region e che no àn la pussibilitât di tornâ te lôr residence.

Lis Cjasis dal Student a sierin tal mêś di Avost, in chest mêś e sarâ dut câś garantide la ospitalitât cu lis modalitâts che a saran fissadis de ARDIS ai students assegnataris meritevui, cun pôcs o cence mieçs, **residents fûr region**, che no vedin la pussibilitât di tornâ te lôr residence, che a fasedin domande motivade di lozament, tai tiermins e cu lis modalitâts disciplinadis cuntun avîs di pueste publicât sul sît.

I students, pal mêś di Avost, a varan di proviodi a paiâ la rete previodude pai students cul requisît di sole iscrizion. In plui, la Cjase di Glemone e restarâ sierade tal periodi dai 3 ai 7 di Avrîl dal 2026.

Cun di plui, la ARDIS e podarâ previodi di sierâ lis cjasis in altris periodis tal câś di necessitâts motivadis e gravis e in concomitance cui periodis di suspension de ativitât didatiche, che a saran comunicadis par timp.

Articul 35 - Cauzion

Pal an academic 2025/2026, l'impuart de cauzion pai students assegnataris di lozament, tes Cjasis dal Student de ARDIS al è fis e al è di **€ 200,00**.

La mancjade esibizion de atestazion di viersament dal dipuesit de cauzion e puarte ae impossibilitât di acedi al lozament assegnât. Pes modalitâts di paiament viodi l'art. 39.

Articul 36 - Retis pal lozament

Lis tarîfis mensîls aplicadis pes retis dal lozament a son chestis:

1. Puest jet in cjamare singule o dople: € 200,00 (E1, E3, Gozzi, Riçs, doplis di CampusX, Glemone, Gurize, Pordenon).
2. Cjamare singule o dople cun cusine complete e bagn: € 240,00 (cjase Burghart, Ex Ospedâl militâr, Pro Habitare).
3. Cjamare singule in apartament di 2 fin a 4 personis, cun cusine complete e bagn: € 290,00 (CampusX e cjase Burghart).
4. Minilozaments a ûs singul cun cusine complete e bagn: € 320,00.

I **students assegnataris** dal lozament che a àn presentade la domande di borse di studi **no** àn di paiâ la rete intant che a spietin la publicazion des graduatoriis definitivis.

Se i students assegnataris di lozament a son beneficiaris di borse di studi, lis retis pal lozament a saran detratis in maniere forfaitarie cemût che al è specificât tal art. 17.

I students assegnataris di lozament ma **no beneficiaris di borse di studi** a àn di viersâ lis retis indicadis parsore, tignût cont che se la assegnazion dal lozament e ves di decori cui 16 dal mê a àn di viersâ la metât dal impuart de rete mensîl.

Pes modalitâts di paiament, viodi l'art. 39.

I students iscritti al semestri filtri assegnataris di puest di lozament a varan di proviodi al paiament mensîl de tariffe dovude in funzion dal lozament assegnât, cemût che al è indicât tal art. 36.

I students che pal secont semestri a perfezionaran la iscrizion a un cors che al vedi la stesse sede didattiche dal semestri filtri a varan drit di mantignû il lozament fûr di sede a pet dal paiament mensîl de tariffe dovude. Tal câs di mancjate iscrizion, a pierdaran il benefici.

I students che, ancje se a àn presentade la domande tant che matriculis di lauree magjistrâl, tai fats no si iscrivin al cors di lauree magjistrâl pal a.a. 2025/2026, se ai 10 di Avost dal 2025 no àn il recuisît di merit tant che semestri seguitîf, a decjadin dal **benefici dal lozament** e a àn di viersâ pal intîr periodi de lôr permanence te Cjase dal Student la rete previodude pai **students cul recuisît di sole iscrizion** (viodi art. 38.3)

I cambis di stanzie autorizâts in tipologjiis di lozament diferentis fra di lôr a compuartin la aplicazion, pal mê di trasferiment, de rete dovude pe tipologjie di stanzie dulà che si è lozâts pal periodi plui lunc.

Tal câs di revoche de borse di studi e/o dal puest di lozament, la ARDIS e podarès permeti la permanence tes Cjasis dal Student daûr des modalitâts previodudis pai students cul recuisît di sole iscrizion, in câs di regolarizazion dal debit pregrès, fûr che tal câs che si stedi proviodint ae restituzion a ratis.

Articul 37 - Revoche e decjadence dal lozament

Il benefici dal lozament ur ven revocât ai students assegnataris intai câs previodûts dal **Regolament unic pe fruizion dai servizi abitatîf tes cjasis dal student**, di podê consultâ sul sît de ARDIS.

La revoche dal lozament determinade de **mancjance dai recuisîts** previodûts di chest bant e compuarte la domande di paiament des retis cu la tariffe previodude pai students cul recuisît di sole iscrizion pal periodi di assegnazion. Si precise che la revoche e compuarte il recupar des sumis ricevudis cence vê drit cun aplicazion des sanzions su la fonde dal art. 10 in câs di declarazions falsis.

I students dal prin an, assegnataris di lozament, che a rinunziin ae borse di studi o che ur ven revocade **par no vêtignû la carateristiche di merit**, a àn di corispuindi pal timp di permanence inte Cjase dal Student lis retis previodudis dal articul 36.

Ai students che si trasferissin intune altre sede universitaria o che a rinunziin ai studis pal a.a. 2025/2026 prime dal prin di Lui dal 2026, il servizi di lozament ur ven calculât ae tariffe indicate tal art. 36 pal periodi di assegnazion.

L'assegnatari al decjât dal benefici dal lozament intai câs previodûts dal articul 11 di chest bant e dal **Regolament unic pe fruizion dai servizi abitatîf tes cjasis dal student**.

Articul 38 - Students cun recuisît di sole iscrizion

Tal câs che, dopo des assegnazions dai puescj ai students risultâts idonis tes relativis graduatoriis daûr dal art. 31 e dopo de ativazion des risiervis previodudis pai students in mobilitât internazionâl in jentrade, a vessin di jessi ancjemò puescj disponibii, chescj puescj a saran metûts a disposizion dai students cun dome il recuisît di iscrizion. I avîs su eventûai puescj disponibii tes Cjasis dal Student a son publicâts sul sît www.ardis.fvg.it cun ativazion de relative domande online.

E fâs ecezion la Cjase dal Student di Glemone: par cheste si à di compilâ la domande online dentri des 13.00 (ore estive taliane/GMT+2/UTC+2/CEST) dai 10 di Setembar dal 2025. Te sede di Glemone lis amissions dai assegnataris dal lozament a saran tes zornadis che a saran publicadis par timp sul sît, e, dut câs, in mût indicatîf a partî dai 6 di Otubar dal 2025.

La compilazion de domande online pe sede di Glemone e vâl dome tant che manifestazion di interès, che e varà di jessi perfezionade inviant la scansion de domande bolade (cun marcje di bôl di 16,00 €) e firmade. La domande e varà di jessi inviate ae direzion ardis@certregione.fvg.it dentri dai 15 di Setembar dal 2025.

Dome se il numar des domandis al ves di passâ chel dai puescj a disposizion, e sarà metude adun une graduatorie uniche, pai agns seguitîfs e pes matriculis, i dottorâts di ricercje e lis specializacions, in ordin cronologic di presentazion de domande bolade e firmade.

I students no ancjemò iscrits tal moment de publicazion de relative graduatorie definitive, a saran inserîts tant che idonis cun riserve "iscrizion di aciertâ", fûr che tal câs dai students che a declarin di jessi laureants. La assegnazion e sarà fate, tal limit dai puescj disponibii, in ordin cronologic di comunicazion de avignude iscrizion ae direzion ardis@certregione.fvg.it

ATTENZION

I students risultâts no idonis tes graduatoriis pe assegnazion dai lozaments par mancjance dai recuisîts di iscrizion, merit, redit e patrimoni **NO vegnin inserîts in maniere automatiche te graduatorie pai lozaments par students cul sôl recuisît di iscrizion.**

Chescj students duncje a àn di compilâ la domande online relative al lozament cul recuisît di sole iscrizion dentri de scjadince previodude par ogni Cjase dal Student pes sedis diferentis di Glemone, daûr dal calendari che dopo al sarà publicât sul sît www.ardis.fvg.it.

I puescj a saran assegnâts in vie prioritarie ai students cun disabilitâts daûr dal articul 5, risultâts idonis in graduatorie.

La ARDIS e podarà tirâ fûr nominatîfs des graduatoriis nomenadis parsore fin ae date fissade tal moment de lôr publicazion.

I students che tal moment de amission a vedin un debit cu la ARDIS par retis di lozament o impuarts di tornâ, a son sospindûts dal benefici fin ae restituzion complete dal debit, fûr che tal câs che a sedin daûr a proviodi ae restituzion rateizade, tal rispiet dal plan di paiament fat bon in vie preventive.

Inte stesse maniere, no puedin vê la assegnazion dal lozament chei students che no àn tornât dut ce che ur è stât domandât par dams fats tes cjasis dal student o par puliziis straordenariis che par chês a son responsabii.

38.1 Retis pal lozament pai students cul recuisît di sole iscrizion

Lis retis a son determinadis in cheste maniere:

Lozament	Tarife mensîl
E1, E3, Gozzi, Riçs, doplis in CampusX, Glemone, Gurize, Pordenon	240,00 €
cjase Burghart, Ex Ospedâl militâr, Pro Habitare	290,00 €
ugnulis in CampusX e cjase Burghart	350,00 €
Minilozament	400,00 €

39 - Modalitâts di paiament de cauzion e de rete pal lozament

I paiaments a van fats midiant dal sisteme di paiament PagoPA.

Daûr de sede ARDIS di riferiment si varan di doprâ i leams chi sot pal paiament:

Sede di Triest

https://servizi.regione.fvg.it/SERVIZIFVG_Pagamenti/ingresso/ardiss/sedets

La modalitât di paiament PagoPA e pues jessi acompagnade, come alternative pussibile, cun paiaments fats par casse. Intal specific, i versaments in contants a pro de ARDIS si puedin fâ tai sportei de bancje Intesa Sanpaolo S.p.A. che si cjatin sul teritori dal Stât talian, indicant al personâl dal sportel il codiç di tesorarie de ARDIS (2019) e la causâl dal versament.

La rete pal lozament si scuën paiâle dentri dai 5 dal mê di riferiment, indicant tant che causâl il mê che a chel la rete si riferîs. Il paiament fat **in ritart di plui di 10 dîs** al sarà sanzionât cuntun reclam scrit dal Diretôr Gjenerâl. E fâs ecezion la rete relative al prin mê dopo de amission, che e à di jessi versade dentri di 5 dîs de date di ingrès. **La cauzion** si scuën paiâle prin di presentâsi te Cjase dal Student di assegnazion. **La mancjade esibizion de atestazion di versament e compuarte la impossibilitât di acedi al lozament assegnât.**

CONTRIBÛT PAL LOZAMENT SOSTITUTÎF

Scjadince ai 21 di Otubar dal
2025

aes 13:00 (ore estive
taliane/GMT+2/UTC+2/CEST)

Articul 40 - Contribûts a concors

Ai students **inserîts tes graduatoriis definitivis pal lozament** tant che idonis no beneficiaris, che no ur vegni ufiert un puest tes cjas dal student de ARDIS o tai puescj in plui segnalâts tal art. 27.2.7, par mancance di disponibilitât efetive, nancje dopo dal scoriment des graduatoriis fat dentri dai 16 di Otubar dal 2025, ur ven assegnât un contribût sostitutîf pal lozament a cundizion che i students a comunichedin, **dentri dai 21 di Otubar dal 2025**, i dâts complets di un contrat di fit a titul onerôs regjistrât, di almancul 10 mês, te sede didatiche dal cors che a frecuentin, li di privâts o in struturis convituâls a titul onerôs pe stesse durade.

L'impuart dal contribût sostitutîf al è di € 1.600,00 par un contrat a titul onerôs di almancul 10 mês. Il contribût al sarâ rideterminât tal câs di interuzion anticipade dal contrat. Par chest motîf il student al è obleât a comunicâ cu la massime prontece cualsisedi variazion al contrat di fit.

Chest contribût nol ven concedût tal câs di rinunzie volontarie o di mancjade acetazion dal lozament assegnât.

ATENZION: par otignî il contribût, il student idoni al è tignût a mandâ dentri dai tiermins la comunicazion previodude dal art. 16.3 ai fins de atribuzion de qualifiche di "fûr di sede".

Articul 41 – Graduatoriis

La graduatorie provisorie dai contribûts e ven publicade sul sît www.ardis.fvg.it in mût indicatîf dentri dai 12 di Març dal 2026.

Par pussibilis istancis di riesam, si à di fâ riferiment al art. 9 di chest bant.

La graduatorie definitive e sarâ publicade in mût indicatîf dentri dai 10 di Avrîl dal 2026 daûr des modalitâts indicadis tal art. 8.

Articul 42 - Paiament

Il contribût al ven erogât cun increditament suntun cont corint talian (IBAN IT) o suntun propri cont forest (CODIÇ IDENTIFICATÎF DAL CONT) intestât o cointestât al student, o suntune cjarte prepaiade che e vedi un IBAN IT intestade o cointestade al student.

I students a àn di inserî lis coordenadis bancjariis tal moment de compilazion de domande online e a podaran integrâlis o cambiâlis plui tart midiant dai servizis online de ARDIS. Se si à un cont forest, si à di inserî, di là dal codiç identificatîf dal cont, ancje il codiç BIC/SWIFT, la denominazion dal istitût bancjari e ancje il Stât dal stes. I coscj e lis cjamis bancjariis che a derivin dal increditament su conts forescj a saran contizâts al student te lôr totalitât.

Ai **students iscrits a agns seguitîfs** il contribût sostitutîf pal lozament ur ven dât fûr **dentri di doi mês de publicazion de graduatorie definitive.**

Ai students, **iscrits al prin an di ducj i cors**, il contribût sostitutîf pal lozament ur ven dât fûr dome **se a otegnin almancul 20 credit (o ben 10 credits pai cors cun esams dome anuâi)** cun chestis modalitâts:

- a cui che al oten i credits necessari **dentri dai 10 di Avost dal 2026** i ven dât fûr **il contribût intîr**;
- a cui che al oten i credits necessari dopo dai 10 di Avost dal 2026, ma in ogni câs **dentri dai 30 di Setembar dal 2026, la sume dal contribût i sarà smiezade e indi ricevarà il 50%.**

Ai **students cun disabilitât daûr dal art. 5 iscrîts al prin an** di ducj i cors, il contribût pal lozament ur sarà dât fûr dome **se a otignaran almancul 9 credits** cun chestis modalitâts:

- a cui che al oten almancul 9 credits **dentri dai 10 di Avost dal 2026** i ven dât fûr **il contribût intîr**;
- a cui che al oten 9 credits dopo dai 10 di Avost dal 2026, ma in ogni câs **dentri dai 30 di Setembar dal 2026 la sume dal contribût i sarà smiezade e il student indi ricevarà il 50%.**

L'otigniment dai credits al sarà verificât di ufici ai 30 di Avrîl dal 2026 e ai 10 di Avost dal 2026.

I students che a saran rivâts al recursî di merit, cun registrazion dai credits che a coventin, dopo dai 10 di Avost ma dentri dai 30 di Novembar dal 2026, a saran sometûts a controis di ufici cu la Universitât, i Conservatoris e la Academie par otignî il contribût pal lozament sostitûtif smiezât.

Articul 43 - Revoche

Il contribût za erogât al ven revocât:

- tal câs che a vegnin a mancjâ i recursîts di iscrizion, merit, anzianitât universitarie, redit e patrimoni, dopo di controis di ufici o di segnalazions rivadis de Universitât o di altris Aministrazions Publichis;
- ai students che a vedin declarât il fals o presentât documents fals o che a contegnin dâts fals;
- tal câs che a vegnin a mancjâ i recursîts previodûts pal benefici.

La revoche e compuarte il recupar des sumis ricevudis cence vê dirit cun aplicazion des sanzions su la fonde dal art. 10 in câs di declarazions falsis.

Ai students che si cjataran intune des posizions ripuartadis parsore, la ARDIS ur comunicarà l'inizi dal procediment di revoche dal contribût pal lozament. Dentri di 10 dîs de comunicazion, i students a podaran inviâ eventuâls cuintrideduzions ae direzion ardis@certregione.fvg.it o midiant di une raccomandade A/R ae Aministrazion che e scrîf. Se chest tiermin al passe di bant, la ARDIS e trasmetarà al interessât il proviodiment di revoche, domandant il paiament de sume dovude dentri di 30 dîs dal riceviment de comunicazion.

Il student al pues domandâ di paiâ a ratis la sume che al à di tornâ daûr des modalitâts specificadis tal articul 38 bis de LR n. 21/2014.

Tal câs che la restituzion no vegni fate tai tiermins, la ARDIS e procêt al recupar dai credits midiant de iscrizion a rûl, daûr des modalitâts definidis de normative statâl in vore in materie di riscossion des impuestis diretis, cemût che al previôt l'art. 50 de LR n. 7/2000.

CONTRIBÛT PAL LOZAMENT PES
SEDIS DI PUART, BOLZAN,
CONEAN E VERONE

Scjadince ai 21 di
Otubar dal 2025
aes 13:00 (ore estive
taliane/GMT+2/UTC+2/
CEST)

Articul 44 – Tiermin e modalitâts di presentazion de domande

Lis domandis di contribût pal lozament a àn di rivâ ae ARDIS **dentri des 13.00 (ore estive taliane/GMT+2/UTC+2/CEST)**, dai **21 di Otubar dal 2025**, cu lis modalitâts previodudis dal art. 6 di chest bant.

Articul 45 - Contribûts a concors

Pai students iscrits a cors di studi cun sede a Puart, Bolzan, Verone e Conean, dulà che la ARDIS nol garantìs in mût diret une residence universitaria, la ARDIS e da fûr un contribût pal lozament sostitutîf anuâl di **€ 1.600,00** par un contrat di locazion daûr paiament di almancul 10 mês. Il contribût al sarà rideterminât tal câs di interuzion anticipade dal contrat. Par chest motîf il student al è obleât a comunicâ cu la massime prontece cualsisedi variazion dal contrat di fit.

A vegnin metûts a concors **10 contribûts** par ogni sede di studi.

Articul 46 - Recuisîts specifics

In plui dai requisîts di iscrizion, merit, redit e patrimoni stabilîts des normis gjenerâls, al covente che i students che a domandin i contribûts pal lozament a vedin ancje chescj requisîts specifics:

- a àn di jessi iscrits pal a.a. 2025/2026 a cors di lauree de Universitât dai Studis di Triest cun **sede a Puart** o a cors di lauree de Universitât dal Friûl cun **sede a Conean, Bolzan e Verone**;
- a àn di jessi residents intun dai comuns **calcolâts tant che fûr di sede**, in relacion ae sede dal propri cors di studis, daûr di ce che al stabilîs l'art. 16.3 di chest bant e te zonte 1; pes sedis di Bolzan e Verone, i students a àn di jessi residents intun dai comuns distants almancul 50 Km di chestis citâts;
- a àn di usufrûi di un lozament a paiament a front di un **contrat di locazion o di ospitalitât**, daûr di ce che al stabilîs l'art. 16.3 di chest bant.

I students a àn di declarâ l'ûs efetîf dal lozament a paiament **par almancul 10 mês (calcolâts tal periodi cjavât dentri fra il 1ⁿ di Setembar dal 2025 e i 30 di Setembar dal 2026)** dongje de sede universitaire (**ven a stâi tai comuns calcolâts tant che in sede in relacion ae sede dal cors di studis frequentât**), indicant online i dâts dal contrat di locazion (la durade, la scjadince, il canul e i detais di registrazion). I students che a àn atîf un contrat cuntune scjadince plui basse di chê stabilide, e che a intindin rinovâlu o stipulant un gnûf, a son istès calcolâts idonis pal contribût, ma a àn di comunicâ ae ARDIS (inviant une email ae direzion info.trieste@ardis.fvg.it o info.udine@ardis.fvg.it) i dâts dal rinovament dal contrat o dal gnûf contrat stipulât che ur permeti di rivâ ae durade di 10 mês di lozament a paiament.

La cuote di locazion mensîl che i students a àn di paiâ, al net des spesis pes utencis (par esempi aghe, lûs, gas, riscjaldament, ...) **no pues jessi plui basse di € 150,00**.

I students che, al moment de compilazion de domande online, no vedin declarât di vê cjavât possès dal lozament a paiament, po dopo a son tignûts a declarâ online te sezion di pueste "Dâts dal contrat di locazion", e dut câs **dentri des 13.00 dai 21 di Otubar dal 2025**, il fat che a doprin il lozament a paiament par almancul 10 mês calcolâts tal periodi cjavât dentri fra il **1ⁿ di Setembar dal 2025 e i 30 di Setembar dal 2026**, indicant il recapit dal lozament, che si cjate dongje de sede universitaire, il canul mensîl di locazion che a pain, la durade dal contrat, la scjadince e i detais di registrazion.

La sezion "dâts dal contrat di locazion" si podarà compilâ in maniere indicative dal prin di Setembar dal 2025.

Articul 47 – Graduatoriis

La graduatorie provisorie dai contribûts sostitutîfs pal lozament e ven publicade sul sît www.ardis.fvg.it in mût indicatîf dentri dai 27 di Fevrâr dal 2026.

Ducj i students a son iscrits tes graduatoriis publicadis sul sît cul **codiç utent** tal puest dal nominatîf, pai adempiments in materie di trasparençe/privacy. Al è pussibil cjatâ chest codiç, assegnât a ogni student dal software intant de compilazion de domande online, te proprie aree risiervade dal "Sportel student" o sul file di sintesi de domande: il codiç utent al è formât des ultimis cinc cifris dal codiç "Domande".

Acedint ai servizis online de ARDIS, inte proprie aree dal "Sportel student", i students a puedin verificâ l'esit des graduatoriis.

Daûr des modalitâts previodudis dai artt. 7 e 8 des Normis Gjenerâls, a vignaran formuladis chestis graduatoriis, in ordin decessint di ponts, spartîts par sede dal cors di studis:

- students iscrits pe prime volte al prin an di cors;
- students iscrits a agns dopo dal prin.

E ven dade la precedence ai students iscrits a agns di cors seguitîfs al prin.

Par pussibilis istancis di riesam, si à di fâ riferiment al art. 9 di chest bant.

La graduatorie definitive e sarà publicade dentri dai 20 di Març dal 2026.

Articul 48 – Paiament

Il contribût al ven erogât cun increditament suntun cont corint talian (IBAN IT) o suntun propri cont forest (CODIÇ IDENTIFICATÎF DAL CONT) intestât o cointestât al student, o suntune cjarte prepaiade che e vedi un IBAN IT intestade o cointestade al student.

I students a àn di inserî lis coordenadis bancjariis tal moment de compilazion de domande online e a podaran po dopo integrâlis o cambiâlis midiant dai servizis online de ARDIS. Se si à un cont forest, si à di inserî, di là dal codiç identificatîf dal cont, ancje il codiç BIC/SWIFT, la denominazion dal istitût bancjari e ancje il Stât di chel stes. I coscj e lis cjamis bancjariis che a derivin dal increditament su conts forescj a saran contizâts al student te lôr totalitât.

Ai students iscrits a agns seguitîfs il contribût sostitutîf pal lozament ur ven dât fûr dentri di doi mêis de publicazion de graduatorie definitive.

Ai students, iscrits al prin an di ducj i cors, il contribût sostitutîf pal lozament ur ven dât fûr dome se a otegnin almancul 20 credits (o ben 10 credits pai cors cun esams dome anuâi) cun chestis modalitâts:

- a cui che al oten i credits necessaris **dentri dai 10 di Avost dal 2026** i ven dât fûr **il contribût intîr**;
- a cui che al oten i credits necessaris dopo dai 10 di Avost dal 2026, ma in ogni câs **dentri dai 30 di Setembar dal 2026 la sume dal contribût i sarà smiezade e indi ricevarà il 50%.**

Ai students cun disabilitât daûr dal art. 5 iscrits al prin an di ducj i cors, il contribût pal lozament ur sarà dât fûr dome se a otignaran almancul 9 credits cun chestis modalitâts:

- a cui che al oten almancul 9 credits **dentri dai 10 di Avost dal 2026** i ven dât fûr **il contribût intîr**;
- a cui che al oten 9 credits dopo dai 10 di Avost dal 2026, ma in ogni câs **dentri dai 30 di Setembar dal 2026 la sume dal contribût i sarà smiezade e il student indi ricevarà il 50%.**

L'otigniment dai credits al sarà verificât di ufici ai 30 di Avrîl dal 2026 e ai 10 di Avost dal 2026.

I students che a saran rivâts al recursît di merit, cun registrazion dai credits che a coventin, dopo dai 10 di Avost ma dentri dai 30 di Novembar dal 2026, a saran sometûts a controis di ufici cu la Universitât, i Conservatoris e la Academie par otignî il contribût pal lozament sostitutîf smiezât.

Articul 49 - Revoche

Il contribût za erogât al ven revocat:

- tal câs che a vegnin a mancjâ i recuisîts di iscrizion, merit, anzianitât universitarie, redit e patrimoni, dopo di controis di ufici o di segnalazions rivadis de Universitât o di altris Aministrazions Publichis;
- ai students che a vedin declarât il fals o presentât documents fals o che a contegnin dâts fals;
- tal câs che a vegnin a mancjâ i recuisîts previodûts pal benefici.

La revoche e compuarte il recupar des sumis ricevudis cence vê dirit cun aplicazion des sanzions su la fonde dal art. 10 in câs di declarazions falsis.

Ai students che si cjataran intune des posizions ripuartadis parsore, la ARDIS ur comunicarà l'inizi dal procediment di revoche dal contribût pal lozament. Denti di 10 dîs de comunicazion i students a podaran inviâ eventuâls cuintrideduzions ae direzion ardis@certregione.fvg.it o midiant di une raccomandade A/R ae Aministrazion che e scrîf il test presint. Se chest tiermin al passe di bant, la ARDIS e trasmetarà al interessât il proviodiment di revoche, domandant il paiament de sume dovude denti di 30 dîs dal riceviment de comunicazion.

Il student al pues domandâ di paiâ a ratis la sume che al à di tornâ daûr des modalitâts fissadis tal articul 38 bis de LR n. 21/2014.

Ta câs che la restituzion no vegni fate tai tiermins, la ARDIS e procêt al recupar dai credits midiant de iscrizion a rûl, daûr des modalitâts definidis de normative statâl in vore in materie di riscossion des impuestis diretis, come proviodût dal art. 50 de LR n. 7/2000.

CONTRIBÛT PE
MOBILITÂT
INTERNAZIONÂL

Scjadince:
ai 7 di Avrîl dal 2026
aes 13:00 (ore estive
taliane/GMT+2/UTC+2/CEST)

Articul 50 – Tiermin e modalitâts di presentazion de domande

La domande di contribût pe mobilitât internazionâl e pues jessi compilate **dome dai students idonis o beneficiaris de borse di studi pal a.a. 2025/2026 in mût indicatîf dai 4 di Març dal 2026 dentri de scjadince dai 7 di Avrîl dal 2026 aes 13.00 (ore estive taliane/GMT+2/UTC+2/CEST)**, cu lis modalitâts previodudis dal art. 6 di chest bant.

Articul 51 - Contribûts a concors

Il contribût pe mobilitât internazionâl al previôt un increment dal impuart de borse di studi di **€ 600,00 mensîi** pe durade dal periodi di permanence tal forest, fin a un massim di dîs mêis, cence considerâ il Paîs di destinazion e al pues jessi concedût **une volte sole par ogni cors di istruzion superiôr**.

Dal impuart de integrazion concedude, e ven calcolade la sume de borse concedude a valê sui fonts des Universitâts, dai Conservatoris e de Academie, de Union Europeane o suntun altri acuardi bilaterâl anje no comunitari.

A vegnin rimborsadis **lis spesis di viaç** par lâ e tornâ midiant di mieçs publics fin al impuart di € 100,00 pai Paîs europeans e fin al impuart di € 500,00 pai Paîs extraeuropeans, tal câs che il rimbors relatîf nol sedi za previodût de Universitât o dal Conservatori, dopo vê cjariât i documents di justificazion, **dentri de scjadince dai 31 di Dicembar dal 2026**, midiant de procedure online che e sarâ ativade dopo la publicazion de graduatorie provisorie.

Dopo di cheste date, lis spesis di viaç a podaran jessi trasmetudis dome inviantlis ae direzion ardis@certregione.fvg.it dentri dai 30 di Avrîl dal 2026, pene il mancjât ricognossiment dal lôr rimbors.

Il periodi di permanence tal forest al ven verificât cu lis Istituzions nomenadis parsore e par ogni mêis intîr di permanence, calcolât in mût convenzionâl in 30 dîs, al sarâ dât fûr il contribût mensîl par intîr, invezit par periodis di mancûl di un mêis il contribût al corispuindarà aes zornadis di efetive permanence tal forest.

Nol ven erogât nissun contribût pai **periodis di mobilitât fats in modalitât online stant in Italie** a titul di programs di studi o tirocini promovûts de Universitât dai Studis di Triest, de Universitât dal Friûl, dal Conservatori di Musiche "G. Tartini" di Triest, dal Conservatori di Musiche "J. Tomadini" di Udin, de Academie di Bielis Arts "G. B. Tiepolo" di Udin.

Il contribût pe mobilitât internazionâl al ven paiât daûr des risorsis disponibilis e tal câs ridusût anje par sodisfâ il numar massim di students che a àn fat domande.

Articul 52 - Recuisîts specifics

Di là di vê i requisîts di iscrizion, merit, redit e patrimoni fissâts intes normis gjenerâls, i students che a vuelin domandâ i contribûts pe mobilitât internazionâl a scuegnin:

- **partecipâ in maniere esclusive intal a.a. 2025/2026 a periodis di studi o di tirocini tal forest** promovûts de Universitât dai Studis di Triest, de Universitât dal Friûl, dal Conservatori di Musiche "G. Tartini" di Triest, dal Conservatori di Musiche "J. Tomadini" di Udin, de Academie di Bielis Arts "G. B. Tiepolo" di Udin pe partecipazion a programs di mobilitât internazionâl, sedi intal ambit di programs promovûts de Union Europeane, che di programs anje no comunitaris (convenziions bilaterâls);

- **jessi idonis o beneficiaris de borse di studi** di chest bant intal a.a. 2025/2026.
- **il periodi di studi o di tirocini in ogjet al à di vê un ricognossiment academic in tiermins di credits intal ambit dal propri cors di studis in Italie.**

I students che a fasin domande a àn di declarâ te domande online di partecipâ a periodis di studi e tirocini tal forest pal a.a. 2025/2026, come che al è riferît tal art. 51, il timp di permanence tal forest determinât al at de assegnazion de bande de Universitât, dal Conservatori o de Academie; a scuegnin ancje declarâ di no vê otignût pal stes cors di studi un contribût de ARDIS pe mobilitât internazionâl.

Eventuâls comunicazions sul sprolungjament dal periodi di studi tal forest, se rivadis dopo dal tiermin di presentazion de domande di contribût, a saran cjapadis in considerazion dome se a son comunicadis dentri dal tiermin fissât pe presentazion des istancis di riesam.

Articul 53 – Graduatoriis

La date indicative di publicazion des graduatoriis provisorii dai contribûts di mobilitât internazionâl sul sît www.ardis.fvg.it e je ai 18 di Mai dal 2026.

Ducj i students a son iscripts tes graduatoriis publicadis sul sît cul **codiç utent** tal puest dal nominatîf, pai adempiments in materie di transparence/privacy. Al è pussibil cjatâ chest codiç, assegnât a ogni student dal software intant de compilazion de domande online, te proprie aree risiervade dal "Sportel student" o sul file di sintesi de domande: il codiç utent al è formât des ultimis cinc cifris dal codiç "Domande".

Acedint ai servizis online de ARDIS, inte proprie aree risiervade dal "Sportel student", i students a puedin verificâ l'esit des graduatoriis.

Daûr des modalitâts previodudis dai artt. 7 e 8 des Normis Gjenerâls, a vegnin formuladis in ordin decessint di ponts chestis graduatoriis, spartîts par sede dal cors di studis:

- students iscripts pe prime volte al prin an di cors;
- students iscripts a agns dopo dal prin.

E ven dade precedence ai students iscripts a agns di cors dopo dal prin, daûr des disponibilitâts di belanç de ARDIS. In câs di paritât di merit, e ven dade precedence ai students cul ISEE plui bas.

Par pussibilis istancis di riesam, si à di fâ riferiment al art. 9 di chest bant.

La graduatorie definitive e sarà publicade dentri dai 31 di Lui dal 2026.

Articul 54 – Paiaments

Il contribût al ven erogât cun increditament suntun cont corint talian (IBAN IT) o suntun propri cont forest (CODIÇ IDENTIFICATÎF DAL CONT) intestât o cointestât al student, o suntune cjarte prepaiade che e vedi un IBAN IT intestade o cointestade al student.

I students a àn di inserî lis coordenadis bancjariis tal moment de compilazion de domande online e a podaran po dopo integrâlis o cambiâlis midiant dai servizis online de ARDIS. Se si à un cont forest, si à di inserî, di là dal codiç identificatîf dal cont, ancje il codiç BIC/SWIFT, la denominazion dal istitût bancjari e ancje il Stât di chel stes. I coscj e lis cjamis bancjariis che a derivin dal increditament su conts forescj a saran contizâts al student te lôr totalitât.

Il paiament dal contribût al ven dât fûr dome pai mês autorizâts e promovût des Universitâts, dai Conservatoris e de Academie di Bielis Arts, de Union Europeane, o su la fonde di acuardis bilaterâi ancje no comunitaris, par un impuart ecuivalent a € 600,00 su base mensîl pe durade dal periodi di permanence tal forest, fin a un massim di dîs mês, certificade des Universitâts, dai Conservatoris e de Academie di Bielis Arts che a promovin il program di mobilitât, cence considerâ il Paîs di destinazion. Dal impuart dal contribût di mobilitât al ven dedusût il valôr de borse tal câs che lis istituzions nomenadis parsore a 'nt concedin une.

Il contribût pe mobilitât internazionâl al ven dât fûr cun chestis modalitâts:

- ai students iscripts a agns seguitîfs al prin in dôs ratis:
- **il 50% dal impuart dentri di 60 dîs** de publicazion de graduatorie definitive a cundizion che il periodi di mobilitât al sedi za scomençât;
- la part che e reste dal contribût, che e cjape dentri il rimbors des spesis pal viaç, **ae fin dal periodi di permanence tal forest**, dopo vê verificât il ricognossiment dai credits relatîfs al periodi di mobilitât.

La ARDIS si riserve la pussibilitât di dâ fûr il contribût intune soluzion uniche.

- ai **students iscritti al prin an dai cors dopo vê otignût il merit** (20 credits o 10 credits pai cors cun esams dome anuâi) **ae fin dal periodi di permanence tal forest**, dopo vê verificât i credits relatîfs al periodi di mobilitât:
 - **dut l'impuart dal contribût** a cui che al oten i credits necessaris dentri dai 10 di Avost dal 2026;
 - **l'impuart dal contribût smiezât** a cui che al oten i credits necessaris fra i 10 di Avost e i 30 di Novembar dal 2026;
- ai **students cun disabilitât daûr dal art. 5** cuant che a otegnin almancul 9 credits:
 - **dut l'impuart dal contribût** a cui che al oten almancul 9 credits dentri dai 10 di Avost dal 2026;
 - **l'impuart dal contribût smiezât** a cui che al oten i credits necessaris fra i 10 di Avost e i 30 di Novembar dal 2026;

La ARDIS e fâs i controis di ufici dal merit e e dispon i paiaments cun cadence trimestrâl.

Articol 55 - Revoche

Il contribût za erogât al ven revocât:

- tal câs che a vegnin a mancjâ i recuisîts di iscrizion, merit, anzianitât universitarie, redit e patrimoni, dopo di controis di ufici o di segnalazions rivadis de Universitât o di altris Aministrazions Publichis;
- ai students che a vedin declarât il fals o presentât documents fals o che a contegnin dâts fals;
- tal câs che a vegnin a mancjâ i recuisîts specifics proviodûts pal benefici.
- che a rinunziin ae borse di studi de ARDIS;
- che a vedin za ricevût de bande de ARDIS un contribût di mobilitât internazionâl pal stes cors di studi.

La revoche e compuarte il recupar des sumis ricevudis cence vê dirit cun aplicazion des sanzions su la fonde dal art. 10 in câs di declarazions falsis.

Ai students che si cjataran intune des pozizions ripuartadis parsore, la ARDIS ur comunicarà l'inizi dal procediment di revoche dal contribût pal lozament. Dentri di 10 dîs de comunicazion i students a podaran inviâ eventuâls cuintrideduzions ae direzion ardis@certregione.fvg.it o midiant di une raccomandade A/R ae Aministrazion che e scrîf. Se chest tiermin al passe di bant, la ARDIS e trasmetarà al interessât il proviodiment di revoche, domandant il paiament de sume dovude dentri di 30 dîs dal riceviment de comunicazion.

Il student al pues domandâ di paiâ a ratis la sume che al à di tornâ daûr des modalitâts fissadis tal articol 38 bis de LR n. 21/2014.

Tal câs che la restituzion no vegni fate dentri dai tiermins, la ARDIS e procêt al recupar dai credits midiant de iscrizion a rûl, secont lis modalitâts definidis de normative statâl in vore in materie di riscossion des impuestis diretis, come proviodût dal art. 50 de LR n. 7/2000.

MATERIÂI IN ZONTE:

Articul 1 - Status dai students: in sede, pendolârs e fûr di sede

Chestis listis a determinin il status dai students: in sede, pendolâr o fûr di sede.

Students iscrits a cors cun sede a Triest

IN SEDE:

Residents a Triest, Mugle, San Dorligo della Valle, Monrupino, Sgonico e Duin-Nabresine

PENDOLÂRS:

Residents a Monfalcon, Staranzan, Roncjis di Monfalcon, Dobardò, Gardiscje, Segrât, Foian Redipulie, San Pieri dal Teritori, Turiac, Çarvignan, San Ganzian e, di là dai confins talians, chescj comuns: Cjaudistrie, Hrpelje-Kozina, Divača, Isule, Piran, Postumie, San Pieri dal Cjars, Sesane, Vipau e chestis localitâts: Koseze e Podgrad dal Comun di Ilirska Bistrica.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancûl di 10 mêis.

Students iscrits a cors cun sede a Udin

IN SEDE:

Residents a Cjampfuarnit, Martignà, Pagnà, Pasian di Prât, Pavie, Paulêt, Puçui, Pradaman, Reane dal Roiâl, Remanzâs, Tavagnà, Udin.

PENDOLÂRS:

Residents a Dael, Dartigne, Atimis, Bagnarie, Basilian, Bertiûl, Bicinins, Buie, Buri, Caprive, Cjasarse, Cjassà, Cjasteons di Strade, Çarvignan, Cjopris e Viscon, Cividât, Codroip, Colorêt di Montalban, Cormons, Cosean, Dignan, Faedis, Feagne, Flaiban, Glemone, Gonârs, Gurize, Listize, Magnan, Maian, Manzan, Merêt di Tombe, Muimans, Mortean, Murûs, Mosse, Nimis, Osôf, Palme, Porpêt, Premariâs, Ravis Darcjan, San Denêl, San Zorç di Noiâr, San Zuan dal Nadison, Sante Marie la Lungje, San Vît de Tor, San Vît di Feagne, Sedean, Talmassons, Tarcint, Torean, Tor di Zuin, Trep Grant, Tresesin, Trivignan, Visc.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancûl di 10 mêis.

Students iscrits a cors cun sede a Gurize

IN SEDE:

Residents a Fare, Gurize, Mosse, San Florean dal Cuel, Savogne dal Lusing e, fûr dai confins talians, Nova Gorica.

PENDOLÂRS:

Residents a Buri, Caprive, Cormons, Dobardò, Duin-Nabresine, Foian Redipulie, Gardiscje, Manzan, Marian, Migjee, Monfalcon, Morâr, Romans dal Lusing, Roncjis di Monfalcon, Segrât, San Ganzian, San Zuan dal Nadison, San Luring dal Lusing, San Pieri dal Teritori, Staranzan, Turiac, Udin, Vilès.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancûl di 10 mêis.

Students iscrits a cors cun sede a Pordenon

IN SEDE:

Residents a Dağan, Cordenons, Vildiflum, Fontanefrede, Pasian di Pordenon, Purcie, Pordenon, Prate, Lavorêt, San Quarin, Çopule.

PENDOLÂRS:

Residents a Darbe, Davian, Brugnere, Budoie, Cjanive, Cjasarse, Cjons, Codroip, Conean, Cordovât, Godega di Sant'Urbano, Manià, Montreâl, Orsago, Polcenic, Preusdomini, Sacîl, San Zorç da la Richinvelde, San Martin dal Tiliment, San Vît dal Tiliment, Secuals, Siest, Spilimberc, Susegana, Vaiont, Voleson Darzin, Vivâr.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancûl di 10 mê.

Students iscritti a cors cun sede a Glemone

IN SEDE:

Residents a Dartigne, Bordan, Buie, Glemone, Magnan, Montenârs, Osôf, Trasaghis e Vençon.

PENDOLÂRS:

Residents a Damâr, Atimis, Cjassà, Cjavaç, Scluse, Colorêt di Montalban, Cosean, Dignan, Faedis, Feagne, Forgjarie, Lusevare, Mueç, Nimis, Ruvigne, Reane dal Roiâl, Resie, Resiute, Ravis Darçjan, San Denêl, San Vît di Feagne, Tarcint, Tavagnà, Tumieç, Trep Grant, Tresesin, Udin, Verzegnis.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancûl di 10 mê.

Students iscritti a cors cun sede a Puart

IN SEDE:

Residents a Puart, Cint, Gruâr, Tei, Pramaiôr, Danon, Fossalte, San Michêl dal Tiliment, San Stin, Concuardie, Cjauris.

PENDOLÂRS:

Residents a Eraclea, Torre di Mosto, Ceggia, Salgareda, Ponte di Piave, Cessalto, Chiarano, Oderzo, la Mote, Mansuè, Ormelle, Midune, Preusdomini, Cjons, Siest, Cordovât, Morsan da lis Ocjis, Vildivar, Tisane, Lignan, Palaçûl, Prissinins, Rivignan Teôr.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancûl di 10 mê.

Students iscritti a cors cun sede a Conean

IN SEDE:

Residents a Codognè, Colle Umberto, Godega di Sant'Urbano, Mareno di Piave, Orsago, San Fior, San Pietro di Feletto, San Vendemiano, Santa Lucia di Piave, Susegana, Tarzo, Vazzola e Vittorio Veneto.

PENDOLÂRS:

Residents a Arcade, Cjanive, Cimadolmo, Cordignano, Fontanelle, Fregona, Gaiarine, Giavera del Montello, Nervesa della Battaglia, Ormelle, Pieve di Soligo, Povegliano, Refrontolo, Revine Lago, San Polo di Piave, Sarmede, Sernaglia della Battaglia, Spresiano.

Residents in ducj i comuns calculâts fûr di sede che no lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents.

FÛR DI SEDE:

Residents in ducj chei altris comuns che a lozin dongje de sede universitarie doprant, a titul onerôs, lis struturis residenziâls publichis o altris lozaments di privâts o di ents par un periodi di no mancûl di 10 mê.

Zonte 2 - Decret Ministeriâl n. 166 dai 03 di Març dal 2025 Definizion de liste dai Paîs une vore puars pal an academic 2025/2026

- | | |
|--|-----------------------------|
| – Afghanistan | – Malawi |
| – Angola | – Mali |
| – Bangladesh | – Mauritanie |
| – Benin | – Mozambic |
| – Burkina Faso | – Myanmar |
| – Burundi | – Nepal |
| – Camboze | – Niger |
| – Republiche Centriafricane | – Ruanda |
| – Çad | – São Tomé e Príncipe |
| – Comoris | – Senegal |
| – Republiche Democratiche Popolâr di Coree | – Sierra Leone |
| – Republiche Democratiche dal Congo | – Isulis Salomon |
| – Zibuti | – Somalie |
| – Eritree | – Sud Sudan |
| – Etiopie | – Sudan |
| – Gambia | – Republiche arabe di Sirie |
| – Guinee | – Tanzanie |
| – Guinee-Bissau | – Timor-Leste |
| – Haiti | – Togo |
| – Kiribati | – Tuvalu |
| – Republiche Democratiche Popolâr dal Laos | – Uganda |
| – Lesotho | – Yemen |
| – Liberie | – Zambia |
| – Madagascar | |

Unitât organizative competente:

Servizi intervents pal dirit al studi email

info.trieste@ardis.fvg.it

info.udine@ardis.fvg.it

Sît istituzionâl: www.ardis.fvg.it

A son stâts individuâts:

Responsabile dal procediment:

Diretore dal Servizi intervents pal dirit al studi dot.e Raffaella Pengue

Responsabii de istrutorie:

titulâr di posizion organizative Servizis pe ospitalitât dot.e Cristiana Cattunar

titulâr di posizion organizative Beneficis universitaris Miriam Di Bernardo

Contats - Sede di Triest**Sportel Informazioni**

Salita Monte Valerio 3, 34127 Triest

info.trieste@ardis.fvg.it

Tel: 040 3595205

Oraris dal sportel telefonic:

dal lunis al vinars des 09.30 aes 12.00

Altris contats utii

SERVIZI		Telefon:
Borse di studi		
Contribûts pal lozament		
Contribûts pe mobilitât internazionâl	info.trieste@ardis.fvg.it	040 3595205
Rimbors de tasse regionâl		
Puescj lozament comprensori universitari Triest e Gurize	alloggi.trieste@ardis.fvg.it	040 3595213/303
Servizi ristorazion e distribuzion tessarîs de mense	ristorazione.trieste@ardis.fvg.it	040 3595357/207
Assistence tecniche informatiche	assistenza.informatica@ardis.fvg.it	

Contats - Sede di Udin**Sportel Informazioni**

Viâl Ungheria 39/b, 33100 Udin

info.udine@ardis.fvg.it

Tel: 0432 245772

Oraris dal sportel telefonic:

dal lunis al vinars, des 09.30 aes 12.00

Altris contats utii

SERVIZI		Telefon:
Borse di studi		
Contribûts pal lozament	info.udine@ardis.fvg.it	0432 245772
Contribûts pe mobilitât internazionâl		
Rimbors de tasse regionâl		
Puescj di lozament Udin	alloggi.udine@ardis.fvg.it	0432245754 0403595314
Puescj di lozament Pordenon Gurize Glemone	alloggi.udine@ardis.fvg.it	0432245754 0403595314
Servizi ristorazion e distribuzion tessaris de mense	info.udine@ardis.fvg.it	0432 245717
Assistence tecniche informatiche	assistenza.informatica@ardis.fvg.it	